

二十四史分類輯要

第一函
第六冊

江苏工业学院图书馆

藏

分章

二

類

十

輯

四

要

史

讀有用書坐主人署

卷緒壬
庚季晉
會文學
社發大

綱鑑分類纂要叙

光緒二十七年秋七月

明詔再罷時文首場改試中國史論一時甕牖黃馘之士不知唐宋之先後而抱時文為金科玉律者往往走深山邃谷中放聲長號自悲天奪其所恃業與時左亦巨哀已其一二規時赴勢者流涉獵永嘉八面鋒謂足以通天人之突矣輒又開口大笑慶為長夜之忽旦既其實巧拙略異而無所得於史鈞也夫史豈易言哉鹵莽而耕穫焉一部十七史從何處說起或孟晉於是矣歲月絲蔓卷帙益夥曾不能剗心以究古今中外政教之王衰疆圉之辟蹙用人理財行事之得失徒斷斷焉訟一年月日人姓名之繆緩同異雖曰史學猶是訓詁耳攷据耳窮老盡氣莫知嚮方虛牝無用亦與時文將無同昔司馬溫公以書局自隨殫竭十九年之心力成資治通鑑二百九十四卷求首尾編讀一過者惟劉貢父一人嗟予作史難讀史亦如是其不易也劉子元論史謂有學無識

如愚估操金不知質化詎非鯨而寡要尸其病歟子瞻讀漢書謂
禮樂刑政當作一意求之後朱子且韙其說然則分別部居甄彙
事實庸便購讀無嘆望洋倘亦助學者之事乎同里姚君秋巖向
業書年十二如郡應童試即識之目錄板本類能指數蓋周蘭坡
所併橫通者二十年前即語以時文必廢勸改業不之信今不幸
中矣日者挾會稽沈桐生茂才所輯綱鑑分類纂要石印公諸世
堅乞為之叙曰分類則分別部居矣曰纂要則甄彙事實矣昌黎
有云記事必提要纂言必鉤元自是發明其行文之宗旨章實齋
竟據為抄摘之券誠不免厚誣古人要其意在雋鯨以求簡不彰
彰耶桐生年少力學通知時事為吾越後起霸才其書之足以行
世無疑且功令既溝合科舉於學堂普通各門尤不能戮力於
全史撮其要而課之此書抑以便柔日之讀佐治事之用視彼規
時赴勢之小夫挾兔園箒以徼石射利其同不同必有能辨之者
已壬寅春仲山陰湯壽潛叙

帝發 桀癸

右夏十七主計四百三十九年

商紀

成湯 太甲 沃丁 太庚 小甲

雍已 太戊 仲丁 外壬 河亶甲

祖乙 祖辛 沃甲 祖丁 南庚

陽甲 盤庚 小辛 小乙 武丁

祖庚 祖甲 廩辛 庚丁 武乙

太丁 帝乙 紂辛

右商二十八主計六百四十四年

周紀

武王

姬姓名發文王子以火德王改祀曰年在侯
位十三年王位七年諡法安民立政曰武

成王

名誦武王之子年十三嗣位在位
三十七年諡法安民立政曰成

康王

名釗成王之子在位二十
六年諡法溫柔好樂曰康

昭王

名瑕康王之子在位五十
一年諡法儀容恭美曰昭

穆王

名滿昭王之子在位五十
五年諡法布德執義曰穆

共王

名繁扈穆王之子在位十二年
諡法既過能改曰共○共音恭

懿王

名躋共王之子在位二十
五年諡法溫柔賢善曰懿

孝王

名辟方共王之弟在位十
五年諡法慈惠愛親曰孝

夷王

名燮懿王之子在位十六
年諡法安心好靜曰夷

厲王

名胡夷王之子在位五十年諡法殺戮無辜曰厲

宣王

名靖厲王之子在位四十六年諡法聖善周聞曰宣

幽王

名涅宣王之子在位十一年爲犬戎所弑諡法動靜亂常曰幽

平王

名宜曰幽王之子東遷洛邑在位五十一年諡法執事有制曰平

桓王

名林平王之孫在位二十三年諡法克敬勤民曰桓

莊王

名佗桓王之子在位十五年諡法武而不遂曰莊

釐王

名胡齊莊王之子在位五年諡法有罰而還曰釐○釐音禧

惠王

名閔釐王之子在位二十五年諡法柔質慈民曰惠

襄王

名鄭惠王之子在位三十三年諡法辟地有德曰襄

頃王

名壬臣襄王之子在位六年諡法厥心動懼曰頃

匡王

名玆頃王之子在位六年諡法貞心大度曰匡

定王

名瑜匡王之弟在位二十一年諡法安民法古曰定

簡王

名夷定王之子在位十四年諡法平易不訾曰簡

靈王

名泄心簡王之子生而有鬣在位二十七年諡法亂而不損曰靈○鬣音咨下曰鬣上曰鬣

景王

名貴靈王之子在位二十五年諡法申義而齊曰景

夏四月王崩子猛踐立

是為悼王

冬十月王子猛卒母弟匄

蓋立

敬王

名匄景王之子在位四十四年諡法合善典法曰敬

元王

名仁敬王之子在位七年諡法行義悅民曰元

貞定王

名介元王之子在位二十八年諡法清白守節曰貞紀行不爽曰定

庚子二十有八年春王崩子去疾踐位

是為哀王

弟叔弑王自立

是爲
思王

秋八月王子鬼殺叔而自立

是爲
考王

考王

名鬼貞定王少
子在位十五年

威烈王

名午考王之子在位二十四年諡法彊毅執正曰威秉
德尊業曰烈○是時周室衰微徒擁虛器號爲天下共

主傳至赧王五

世爲秦所滅

安王

名驕威烈王之子在位二十
六年諡法好和不爭曰安

烈王

名喜安王之子在位七
年諡法秉德尊業曰烈

顯王

名扁烈王之弟在位
四十八年諡法未詳

慎靚

靜王 名定顯王之子在
位六年諡法未詳

赧王

名延慎靚王之子在位五十九年
而周亡諡法喪國心恤曰赧

東周君

考王封弟揭于河南以續周公之職是爲桓公桓公卒
子威公立威公卒子惠公立惠公卒長子曰西周公又

封少子於鞏仍襲父號曰東周惠公於是又稱東西二周
赧王入秦秦遷西周君于愚狐聚而河南亡莊襄元年遷
東周君於陽人聚
而洛陽之鞏亡

右周三十七主並東周君計八百七十三年

秦紀

莊襄王

名楚孝文王子初質于趙因呂不韋策歸以爲嗣其先
相翳佐舜有功賜姓嬴後有非子封秦秦仲始大自孝

公用商鞅以致富彊至

莊襄滅周三年而薨

始皇帝

名政實姓呂氏在王位二十五年並天下卽帝位凡十
二年壽五十歲○始皇既立恃嬴秦之富彊滅六國並

天下焚書坑儒暴

虐不道二世而亡

二世皇帝

名胡亥始皇少子在位三年壽二十四歲○繁刑重
役誅殺任情罪盈怨積而天下叛之爲趙高所殺立

子嬰爲王凡四
十六日降於漢

右秦自莊襄王至子嬰合四十三年子嬰爲王四十六日

降於漢

漢紀

太祖高皇帝

姓劉名邦字季沛人也以布衣起兵破秦滅楚而成帝業在位十二年壽五十二歲而崩○帝器遠

大度寬仁愛人好謀能聽知人善任五載而成帝業雖日不暇給規模宏遠矣然不事詩書禮文制度大抵襲秦所

以漢治不

能復古矣

孝惠皇帝

名盈高帝太子在位七年壽二十歲而崩諡法柔質慈民曰惠

高皇后呂氏

名雉惠帝崩少帝立后臨朝稱制八年而崩壽六十二歲

太宗孝文皇帝

名恒高帝中子初封代王惠帝無嗣呂后崩大臣迎立之在位二十三年壽四十六歲而崩諡

法慈惠愛

○元年十六後元七

人曰文

孝景皇帝

名啓文帝太子在位十六年壽四十八歲而崩諡法布義行剛曰景○帝遵孝文之業至於移風易俗黎

民淳厚周云成康漢言文景美○元年七

中元六

世宗孝武皇帝

名徹景帝太子在位五十四年壽七○建元六十一歲而崩諡法威強睿德曰武○元光六

元朔六

元狩六

元鼎六

元封六

太初四

征和四

後元二

孝昭皇帝

名弗陵武帝少子在位十三年壽二十二歲而崩諡法聖聞周達曰昭○以童稚之年辨霍光之忠何天

資之明也享○始元六

元鳳六

中宗孝宣皇帝

初名病已更名詢武帝曾孫也霍光廢昌邑王遜會孫立之在位二十五年壽四十二歲而崩

諡法聖善周闡曰宣○帝信賞必罰吏稱民安可謂中

興仲德商周然刑名繩下德教不純漢家之元氣索矣○

本始四

地節四

元康四

神爵四

五鳳四

甘露四

黃龍一

孝元皇帝

名奭宣帝太子在位十六年壽四十三歲而崩諡法行義悅民曰元○帝率制文義優游不斷孝宣之業

哀 ○ 初元五 永光五
建昭五 竟寧一

孝成皇帝

名鷲元帝太子在位二十六年壽四十五歲而崩諡法安民立政曰成 ○ 帝耽於酒色委政外家哀平短

祚葬遂篡位蓋其威 ○ 建始四 河平四 陽朔四 鴻
福所由來者漸矣 ○ 嘉四 永始四 元延四 綏和

二

孝哀皇帝

名欣定陶共王康之子元帝庶孫也成帝無嗣立爲太子在位六年壽二十五歲而崩諡法恭仁短折曰

哀 ○ 帝欲收攬威柄然制於傅太后 ○ 建平四
過寵於董賢主德不匡漢祚遂微 ○ 元壽二

孝平皇帝

初名箕子更名衍中山王興之子元帝庶孫也哀帝無嗣王莽迎立之在位五年葬絨之壽十四歲諡法

布綱治紀曰平 ○ 孝平不造新 ○ 元始
都作宰不伊不周喪我四海 ○ 五

右西漢十二帝共二百十四年並王莽篡位合二百三十

年

孺子嬰

宣帝元孫廣戚侯勳之孫顯之子也年二歲平帝無嗣王莽利其年幼迎而立之在位三年莽篡位廢爲定安

公○莽孝元皇后之姪曼之子也初封新都侯弒平帝廢孺子嬰篡漢建國號新僭位十八年漢兵殺之○攝

二初
始一

淮陽王

名元春陵戴侯之曾孫也莽末漢兵起諸將立以爲帝在位二年降於赤眉尋被殺及光武卽位詔封爲淮陽

王
○更始

二

東漢紀

光武東都洛陽故曰東漢

世祖光武皇帝

名秀長沙定王之後景帝六世孫也莽末起兵復興帝室在位三十三年壽六十三歲而崩諡

法能紹前業曰光克定禍亂曰武○帝恢廓大度才明勇

畧故能芟刈羣雄克復舊物未及下車先訪儒雅表行義

興學校東漢之俗於斯爲美然不任三公事歸臺閣○建

建武永平之間吏事刻深所以中興之美蓋未盡焉○武

三十一

中元二

顯宗孝明皇帝

名莊光武太子在位十八年壽四十八歲而崩
謚法照臨四方曰明○帝善刑理法令分明幽

枉必達而斷獄得情故建武永平之政爲東都稱首然鍾
離意宋均之徒常以察慧爲言夫豈宏人之度未優乎○

承平
十八

肅宗孝章皇帝

名炆明帝太子母賈氏所生馬皇后養之在位
十三年壽三十一歲而崩謚法溫克令儀曰章

○帝厭明帝苛切每事務從寬厚然寵任
寶意以啓外戚用權之漸此其所短也
○建初八元
和三元章和

二

孝和皇帝

名肇章帝第四子母梁貴人所生竇皇后養之在位
十七年壽二十七歲而崩謚法不剛不柔曰和○是

時宦官外戚迭爲消長
漢家之禍自此始矣
○永元十六
元興一

孝殤皇帝

名隆和帝少子生僅百餘日太后立之在
位一年壽二歲而崩謚法短折不成曰殤○延平

孝安皇帝

名祐清河孝王慶之子章帝之孫鄧太后立之在位
十九年壽三十一歲而崩謚法寬容和平曰安○則

位數年太后臨朝親政之後內寵益盛

○永初七

元初六

永寧一

孝順皇帝

名保安帝太子在位十九年壽三十二歲而崩諡法慈和徧服曰順○帝卽位之初天下想其風采黃璋

李固之徒相繼登用東京之士於茲盛焉然閹官弄權梁氏用事賢人君子不能救漢祚之衰矣○永建

陽嘉四

永和六

漢安二

建康一

孝冲皇帝

名炳順帝太子在位一年壽三歲而崩諡法幼小在位曰冲

○永嘉一

孝質皇帝

名續章帝曾孫渤海孝王之子冲帝崩梁太后立之在位一年爲梁冀所弒壽九歲諡法忠正無邪曰質

○本初一

孝桓皇帝

名志章帝曾孫蠡吾侯翼子質帝崩梁冀立之在位二十一年壽三十六歲而崩諡法克敵服遠曰桓○

是時梁冀雖除五侯肆虐賢人君子忠憤激烈卒成黨錮之禍人之云亡邦國殄瘁其是之謂乎○建和

和平一

永嘉二

永興二

永壽三

延熹九

永康一

孝靈皇帝

名宏章帝元孫解廣亭侯長之子也桓帝無嗣竇太后立之在位二十二年壽三十四歲而崩謚法亂而

不損曰靈○是時宦官之禍毒流縉紳忠臣義士駢首就戮不免名外兵以除內難於是虺蜴雖除而虎狼入室矣

○建甯四

熹平六

光和大

中平六

孝獻皇帝

名協靈帝中子董卓廢帝辯而立之在位三十一年曹丕篡位廢帝為山陽公壽五十四歲謚法聰明曆

智曰獻○是時獻生不辰身

初平四

興平二

建

播國屯終我四百永作虞賓

○安二十四

延康一

右東漢十二帝共一百九十六年

後漢紀附魏吳二僭國

昭烈皇帝

名備景帝子中山靖王之後曹丕篡漢正位于蜀號曰後漢在位三年壽六十二歲而崩謚法明德有勞

曰昭有功

○章武

安民曰烈

○三

後皇帝

名禪昭烈太子在位四十年晉武帝遣將入寇帝出降晉封為安樂公以泰始七年薨壽六十五歲○興

十五 延熹二十
景耀五 炎興一

右後漢二帝共四十三年合兩漢二十六帝共四百六十九年

魏五主共四十六年

吳四主共五十九年

晉紀

世祖武皇帝

姓司馬名炎河南人懿之孫昭之子也位魏襄封
晉王未幾篡魏稱帝都洛陽在位二十五年壽五

十五歲而崩諡法

○泰始十 咸甯五
剛強直理曰武 ○泰康十 太熙一

孝惠皇帝

名衷武帝太子在位十七年中毒而○永熙一 元
崩壽四十八歲諡法安民好與曰惠 康九 永康

一 永甯一 太

安二 永興三

孝懷皇帝

各熾武帝第二十五子惠帝無嗣立爲皇太弟至是卽位在位六年爲漢將執歸獄之壽三十歲諡法慈

仁短折
○永嘉

孝愍皇帝

名業吳王晏之子武帝之孫也懷帝遇害卽位于長安在位四年爲漢將執而弑之壽四十八歲諡法在

國遭憂
○建興

右西晉四帝共五十四年

東晉紀

都江東建康
改曰東晉

中宗元皇帝

名睿宣帝曾孫琅邪王觀之子愍帝遇害卽位於建康在位六年壽四十六歲而崩諡法始建國都

日
○建武一
大興

肅宗明皇帝

名紹元帝長子幼聰慧嘗有使者自長安來元帝問紹曰長安近日近紹曰長安近但聞人從長安

來不聞人從日邊來元帝奇其對一日與羣臣語及之復以問紹紹曰日近帝愕然曰何異聞者之言耶紹曰舉頭

見日不見長安元帝益奇之在位三年○大寶
壽二十七歲而崩諡法諧想不行曰明○三

顯宗成皇帝

名衍明帝長子在位十七年壽十二歲而崩諡法安民立政曰成○咸和九

康皇帝

名岳成帝同母弟初封琅邪王成帝臨崩立以爲嗣在位二年壽二十二歲而崩諡法溫柔好樂曰康○

建元

孝宗穆皇帝

名聃康帝太子卽位方三歲在位十七年壽十九歲而崩諡法布德執義曰穆○永和十

五平

哀皇帝

名丕成帝長子初封琅邪王穆帝崩無嗣大臣迎立之在位四年壽二十五歲而崩諡法早孤短折曰哀○

隆和一
興甯三

帝弈

名奕哀帝同母弟初封琅邪王哀帝崩無嗣太后立之在位六年桓溫廢爲海西公以太元十一年薨於吳○

太和

五

太宗簡文皇帝

名昱元帝少子初封會稽王桓溫廢帝奕迎立之在位二年壽五十三歲而崩諡法平易不訾

曰簡慈惠

愛民曰文 ○咸安

二

烈宗孝武皇帝

名昌明簡文帝太子在位二十四年為張貴妃所弒壽三十五歲諡法剛強直理曰武 ○

延康三

太

元二十一

安皇帝

名德宗孝武帝太子在位二十年為劉裕所弒壽三十七歲諡法好和不爭曰安 ○隆安五

義熙

十二

恭皇帝

名德文安帝同母弟初封琅邪王劉裕弒安帝乃迎立之在位二年裕廢為零陵王遂禪以位裕尋弒之壽三

十七歲諡法尊

元熙

二

賢讓善曰恭

右東晉十一帝共一百四年合兩晉一十五帝共一百五

十六年

南北朝

南朝自晉傳宋宋傳齊齊傳梁梁傳陳北朝自諸國并於魏後分爲東魏西魏東魏傳北齊西魏傳後周後周并北齊而傳之隋隋滅陳然後南北混爲一

宋紀附北魏

高祖武帝

姓劉名裕字德興小字寄奴彭城人仕晉爲太尉封宋王尋篡晉卽皇帝位國號宋都建康在位三年壽

六十七歲○帝嘗伐荻新洲遇大蛇射傷之明日復至洲聞有杵臼聲覘之見數青衣於榛中搗藥問其故答曰吾王爲劉寄奴所射搗藥敷之耳帝曰何不殺之答曰寄奴王者不可殺帝叱之散去○永初

營陽王

名義符高祖太子史曰少帝高祖崩居喪無禮徐羨之等廢而弑之在位一年壽十九歲○景平

太祖文帝

名義隆高祖第三子初封宜都王及徐羨之等弑營陽王乃迎立之在位三十年爲太子劬所弑壽四十

七元嘉
歲○三十

世祖孝武帝 名嘉文帝第三子初封武陵王起兵誅 〇 孝建三
〇 大明八

廢帝 名子業孝武帝太子在位 〇 景和

太宗明帝 名或文帝第十一子初封湘東王及廢帝 〇 泰始六
〇 泰豫一

蒼梧王 又曰後廢帝名昱李道兒所生子也 〇 元徽

順帝 名準明帝第三子初封安成王蕭道成弑蒼梧王迎準 〇
立之在位三年復為道成所弑壽十四歲而宋亡矣

二 昇明

右宋八主合六十年

齊紀附北魏

太祖高帝 姓蕭名道成相傳為漢蕭何二十四世孫仕宋封齊 〇 齊建武
〇 齊隆安

〇 齊隆安表英異龍穎鐘聲麟文週體肩有赤誌如日
〇 月狀民間或言其有異相宋明雖景之而不能殺也

建元
四

世祖武帝

名頤高帝長子在位
十一年壽五十四歲

○永明
十一

高宗明帝

名覺高帝兄始安貞王之子半年之中連弒
鬱林海陵二王而自立在位五年壽四十歲

○建武
五

東昏侯

名寶卷明帝太子在位二年弟寶融
廢之尋爲王珍國所弒壽十九歲

○永元
二

和帝

名寶融明帝第八子在位一年蕭衍廢
爲巴陵王尋弒之壽十六歲而齊亡矣

○中興
一

右齊五主合二十四年

梁紀附北魏

高祖武帝

姓蕭名衍齊之疎族仕齊爲梁公進爵爲王遂篡齊
在位四十八年壽八十六歲○梁祖母張氏見菖蒲

生花香之巨而生衍舌文
八字有文在右手曰武

○天監十八
二
中大同六
大通
大同十一

中大同一
太清三

太宗簡文帝

名綱武帝第三子在位二年
為侯景所弑壽四十九歲

○大寶二

世祖孝元帝

名釋武帝第七子眇一目初封湘東王及簡文被弑乃即位于江陵在位三年西魏兵入遂被殺壽

四十承聖
七歲○三

敬帝

名方智元帝第九子在位三年
陳霸先廢而弑之壽十六歲

○紹泰一
太平二

右梁四主合五十四年

右魏十三主合一百四十九年而分爲東西魏

東魏一主凡十七年 西魏三主合二十二年

陳紀附北齊周

高祖武帝

姓陳名霸先吳興人仕梁爲陳公進爵爲王遂篡梁
在位三年壽五十九歲○陳祖自少儉不事生業

明孤虛遁甲之術嘗遊義興館於許氏夢天開數丈有朱衣四人出捧日玉納之帝口吞之覺而腹內猶熱也反討

侯景景望之密謂左右曰○永定
此軍上有紫氣未幾破景○三

世祖文帝

名蒨高祖之姪高祖殂子昌頊皆在北周○天嘉六
羣臣迎蒨卽位在位七年壽四十五歲○天康一

廢帝

名伯宗文帝太子在位二年安成○光大
王頊廢爲臨海王尋薨壽十九歲○二

高宗宣帝

名頊文帝弟初封安成王廢臨海王○大建
而自立在位十四年壽五十二歲○十四

後主

名叔寶宣帝太子在位六年爲隋○至德四
所滅卒於仁壽四年壽五十二歲○禎明三

右北齊六主合二十八年

右北周五主合二十五年

右陳五主合三十二年

隋紀

高祖文皇帝

姓楊名堅小字那羅延華陰人父忠仕魏及周封
隋公堅襲封進爵爲王遂篡周尋滅陳南北爲一

都長安在位十六年為太子廣所弑壽六十四歲○帝生而紫氣充庭有尼來自河東謂其母曰此兒所從來甚異不可於俗問處之尼乃將帝舍於別館躬自撫養一日尼出付其母抱之忽見頸上角出徧體鱗起母大驚墜之地尼心動亟還曰驚我○開皇十二年

煬帝

名廣高祖第二子初封晉王高祖廢勇立為太子尋弑父殺兄而自立在位十二年為宇文化及所弑壽三十

九歲○大業三十

恭帝

煬帝之孫太子昭之第三子昭卒封為代王留守西京唐公李淵立以為帝在位二年廢為鄜國公年十五歲

而義崩○二

恭帝

煬帝之孫太子昭之第二子昭卒封為越王留守東都王世充立以為帝在位一年為世充所弑○皇泰

右隋國主合三十一年

唐紀

高祖神堯皇帝

姓李名淵字叔德成紀人涼李暠之後祖虎事後周封唐公父昞襲封帝仕隋爲太原留守遣

爵爲王尋卽皇帝位都長安在位九年壽七十一歲○帝舉兵晉陽席卷長驅奄有關中掃除亂畧六年之中海內

咸服成功之速○武德

蓋由太宗也○九

太宗文武皇帝

名世民高祖次子方四歲有書生見之曰龍鳳之姿天日之表其年及冠必能濟世安民書生

辭去乃採其語名世民年十八舉義兵高祖得天下皆其功也初封秦王太子齊王每欲殺之乃爲所殺高祖因傳

位焉在位二十三年壽五十三歲而崩○帝除隋之亂比迹湯武致治之美庶幾成康自古功德兼隆由漢以來未

之有也惜其好尙功名而不及○貞觀二

禮樂父子兄弟之間慙德多矣○十三

高宗皇帝

名治太宗第九子初封晉王太子承乾廢長孫無忌力勸太宗立之在位三十四年壽五十六歲而崩○

帝溺愛祚席不戒履霜之漸卒○永徽六 顯慶五

使妖后斷喪唐室貽禍邦家○龍朔三 麟德二

乾封一

總章二

咸亨四

上元一

儀鳳三

調露二

永隆一

開耀一

永濟一

宏道二

中宗皇帝

初名顯更名哲卽位爲母氏武后廢爲廬陵王居房州十四年賴張柬之等迎還復位五年被弑壽五十

五歲○帝久罹幽辱備嘗險阻一旦得志荒淫不悛

親遭母后之難而躬自蹈之所謂下愚不移者矣 ○ 聖

二十一 神龍

二 景雲三

附武后

名墨僭位二十一年改國號曰周壽八十一歲○后乘唐中衰攘竊神器任用酷吏屠害宗支毒流

縉紳其

禍慘矣

睿宗皇帝

名旦中宗之弟初封豫王武后廢中宗立旦爲帝及改唐爲周廢旦爲皇嗣後中宗立爲太子又廢旦爲

相王中宗被弑隆基討韋后誅之迎睿宗卽位二年傳位

於元宗壽五十五歲而崩○帝因子之功在位不久無可

稱者然監前代之禍立 ○ 景隆二

嗣以功所謂可與權矣 ○ 太極一

元宗明皇帝

名隆基睿宗第三子以平韋氏之亂得立爲太子在位四十四年壽七十八歲而崩○帝開元之初

厲精政事幾致太平可謂盛矣天寶以後奸臣執權艷姬亂政至於蠶身失國而不悔靡不有初鮮克有終元宗之

也謂開元二十九天寶十五

肅宗皇帝

名亨元宗太子因祿山之亂卽位於靈武在位七年壽五十二歲而崩○帝以國之元子收兵靈武反旆

而東不失舊物可謂能矣然愛張良娣任李輔國○至德殺太子遷上皇節度由軍士廢立何多失德也○二

乾元二 上元 寶應一

代宗皇帝

名豫肅宗太子在位十七年壽五十三歲而崩○帝平亂守成足爲中材之主然藩鎮陸梁上陵下替養

成亂階唐之紀綱大壞不可復振則肅代之謂也○廣德二 永泰 大曆十四

德宗皇帝

名适代宗太子在位二十五年壽六十四歲而崩○帝猜忌刻薄以強明自任恥見屈於正論而忘受欺

於奸諛用盧杞趙瓚以至於敗小人之能亂國也如此○建中四 興元一 貞元二十

順宗皇帝

名誦德宗太子在位八月傳位太子自稱太上皇未幾崩壽四十六歲○帝不幸瘖疾奸邪肆志而能委

政冢嗣以安社稷亦足爲賢矣 ○ 永貞

憲宗皇帝

初名濇更名純順帝太子在位十五年爲宦者陳宏志所弑壽四十三歲 ○ 帝剛明果斷志平僭叛能用

忠謀不惑羣議卒收成功唐之威令幾於復振足爲中興之主及其晚節信用非人不終其業惜哉 ○ 元和

穆宗皇帝

名恒憲宗太子在位四年因服金丹而崩壽三十歲 ○ 蒙已成之業而不能保由是再失河朔迄於唐亡

不能復取 ○ 長慶四

敬宗皇帝

名湛穆宗太子在位二年爲宦官所弑壽十八歲 ○ 帝昏童失德自殞其身宜哉 ○ 寶曆二

文宗皇帝

初名涵更名昂穆宗第二子初封江王爲宦者所立
在位十三年壽三十二歲而崩 ○ 帝優游不斷受制

家奴雖有好賢之心文雅之美皆不足稱也 ○ 太和九

武宗皇帝

名漣後更名炎穆宗第五子文宗崩宦者仇士良等立之在位六年壽三十三歲而崩 ○ 帝英敏特達委

任李德裕而澤潞平三鎮不敢有異志享國不永功業未究惜哉 ○ 會昌六

宣宗皇帝

名怡更名忱憲宗第十三子武宗崩子幼宣官立於

於聽斷以察爲明無復

○太
十三

懿宗皇帝

名漼宣宗長子在位十四年壽三十一歲而崩○
帝驕奢無度淫樂不悛李氏之亡於茲決矣○

咸通十四

僖宗皇帝

名儼懿宗少子爲宦官所立在位十五年壽二十七歲而崩○昏庸相繼禍亂相仍民愁盜起不可復支

矣

○乾符六 廣明二 中和四 光啟二 文德一

昭宗皇帝

初名敏更名晔懿宗第七子僖宗崩宦者楊復恭立之在位十六年爲朱全忠所弑壽三十八歲○天祿

已去民心已離雖 ○龍紀一 大順二 景福二 乾寧四 欲救之其安能乎 ○光化三 天復三 天祐一

昭宣帝

名祝昭宗第九子朱全忠弑昭宗而立之在位三年全忠廢爲濟陰王復弑之壽十七歲諡曰哀帝 ○天祐

三

昭宣帝天祐二年

君立踰年改元恒也昭宣於是踰年矣而不改先君之舊號則臣子之罪也其畏全忠甚

矣綱目非元年不書號於是特書昭宣帝天祐二年所以表其爲新君之初年以正始也

右唐二十一帝共二百八十九年

五代

梁唐晉漢周

後梁紀

太祖皇帝

姓朱名溫更名晃宋州碭山人父誠以五經教授鄉里初溫從黃巢爲盜降唐賜名全忠拜汴州刺史宣

武軍節度進封梁王竟移唐祚在位

開平四年

六年爲子友珪所弒壽六十一歲

梁主瑱

太祖第三子誅友珪卽帝位及唐兵入都遂自殺而國亡在位十年壽二十六歲

貞明六年龍德四年

右後梁二主共十六年

後唐紀

莊宗皇帝

姓李名存勳小子亞子其先出於西突厥自號沙陀而以朱邪爲姓祖赤心討龐勳功拜振武節度賜姓

李名國昌父克用破黃巢復京師功拜河東節度封晉王存勳嗣立滅梁稱帝國號唐在位三年爲郭從謙所弒壽

三十
五歲 ○ 同光

明宗皇帝

胡人名邈佶烈爲李克用養子更名嗣源莊宗 ○ 被弒百官立爲帝在位八年壽六十七歲而殂

天成四
長興四

閔帝

名從厚明帝第三子在位四月爲李從珂所弒 ○ 應

廢帝

名從珂明宗養子本姓王氏封潞王廢閔帝而自立在位二年石敬瑭以兵入洛陽遂自焚死壽四十五歲 ○

清泰
二

右後唐四主共十三年

後晉紀

高祖皇帝

姓石名敬瑭西夷人唐明宗婿也爲太原節度尋起兵滅唐受契丹冊命爲皇帝在位七年壽五十一歲

而○天福
七

出帝

名重貴高祖兄敬儒之子初封齊王高祖殂馮道背顧命而立之在位三年爲契丹執之以歸而晉亡矣○運

二

右後晉二主共十一年

後漢紀

高祖皇帝

姓劉名知遠更名暉其先沙陀部人後世居太原初仕晉領忠武軍節度後封北平王及契丹滅晉中原

無主遂卽帝位在位二年壽五十四歲而殂○乾祐

隱帝

名承祐高祖第二子在位二年郭威舉兵反帝爲亂兵所弑壽二十歲漢亡○乾祐

右後漢二主共四年

後周紀

太祖皇帝

姓郭名威邢州堯山人少賤黥其頸上爲飛雀世謂郭雀兒仕漢爲樞密使隱帝時鄴都留守尋擊契丹

爲衆所推自立爲帝而還在
○廣順
位三年壽五十三歲而殂
○三

世宗皇帝

名榮姓柴氏太祖后兄守禮之子太祖無
○顯德
嗣養以爲子在位六年壽三十九歲而殂
○六

恭帝

名宗訓世宗第四子立爲梁王年七歲世宗殂梁王
○
立六位六月爲趙匡胤所篡廢帝爲鄭王而周亡矣
○

顯德

右後周三主共十年

宋紀

太祖神德皇帝

姓趙名匡印事周世宗拜殿前都點檢世宗殂
恭帝年七歲卽位僅六月匡印遂篡周廢恭帝

爲鄭王而自立在位十
○建隆三 乾德
六年壽五十歲而崩
○五 開寶九

太宗皇帝

初名匡義賜名光義復更名炅太祖之弟初封晉王太祖崩以昭憲太后顧命嗣立

十九歲而崩○帝仁恕恭儉好文守成三年收吳越四年滅北漢天下一統盛矣然背母負兄一弟二姪俱罹非命

宋后崩不為成服○太平興國八 雍熙四 端其秉心抑何忍耶○拱三 淳化五 至道三

真宗皇帝

初名元侃更名恒太宗第三子初封襄王進封壽王尋立為太子太宗崩嗣立

歲而崩○帝寬仁慈愛有帝王之量然好奉道教信惑邪說天書封祀制作紛紛矣景德初契丹大舉入寇向微寇

準勸帝親征講和○咸平六 景德四 大中祥澶淵幾於亡國矣○符九 天禧五 乾興一

仁宗皇帝

初名受益更名禎真宗第六子在位四十二年壽五十四歲而崩○帝之初立母后臨朝政非已出寶元

康定間西鄙多事慶厯以後君子滿朝恭儉仁恕始終如一然仁柔有餘剛武不足是以常有夷狄之禍不能如漢

唐之○天聖九 明道三 景祐四 寶元三 康定一盛也○慶曆八 皇佑五 至和二 嘉祐八

英宗皇帝

初名宗實更名曙濮安懿王允讓子仁宗崩遂即位在宮中後立為太子進封鉅鹿郡公仁宗崩遂即位在

位四年壽三十八歲而崩○帝之初立同曹太后臨朝未幾宦官譏間兩宮不和賴韓琦歐陽修調護而安然優禮大臣愛民好儒足爲良主惜乎享國不永也

○治平四

神宗皇帝

名項英宗長子初封穎王尋立爲太子英宗崩卽位在位十八年壽三十八歲而崩○帝勵精求治不御田遊不治宮室惟勤惟儉將以大有爲也誤用王安石變更成法以壞天下亡宋之禍實自帝始

○熙寧十

元豐八

哲宗皇帝

名煦神宗第六子初封延安郡王後立爲太子在位十五年壽二十五歲而崩○帝幼冲嗣位高太后臨朝任用賢相庶事修舉迨後熙豐小人得志橫行追貶元祐正人殆無虛日以致禍亂而金狄之難萌徽欽之禍兆矣

○元祐八 紹聖四 元符三

徽宗皇帝

名佶神宗第十一子初封端王哲宗無嗣向太后立之在位二十五年爲金所虜壽五十四歲而殂○帝機巧多技大興土木窮極淫樂天變民怨盜賊雖平反復不省屏忠任奸約金滅遼尋爲金欺虜帝北行封昏德公

五國一建中靖國一崇甯五
城哀哉○政和七重和三宣和五
大觀四

欽宗皇帝

名桓徽宗太子初封定王金人入寇遂受
內禪在位二年遂陷於金而汴宋亡矣
○靖康二

南宋紀

高宗皇帝

名構徽宗第九子初封康王及二帝北狩遂卽位於
南京遷都臨安號南宋在位三十六年而內禪又二

十五年而崩壽入十一歲○帝雖云中興然無撥亂之才
初或汪黃之伎繼阮苗劉之亂終成秦檜之姦雖相有李
綱趙鼎將有張韓劉岳信任不堅黜戮相踵偷安一隅忍
辱鮮恥由畏懦有餘而剛果不足故也或曰徽宗生帝時
夢吳越王錢鏐○建炎四紹
入宮斯言信歟○與三十二

孝宗皇帝

名昚太祖六世孫德芳之後秀王偁之子也母張氏
生昚於秀州有嘉禾之瑞高宗無嗣育爲皇太子受

禪在位二十七年復內禪壽六十八歲而崩○帝性至孝
事上皇二十六年考養備至升遐之日哀慕猶切有恢復
之志值金主賢明無費可○隆興二乾道
乘南北講和俱得休息矣○九 淳熙十六

光宗皇帝

名惇孝宗第三子初封恭王尋立為太子受內禪在位五年壽四十四歲而崩○帝四十受禪遭后悍妒

亟欲立子驚憂得疾上不能致孝親父下不能顯傳嗣子及親之喪不能執禮一旦仆地大臣從權擁立嗣子閑居

五載與后俱亡光宗真萬世之罪人也○紹熙

甯宗皇帝

名擴光宗第三子初封嘉王光宗悖逆趙汝愚奉太皇太后奉嘉王受內禪在位三十年壽五十七歲而

崩○帝謙恭仁儉始終如一然柔而不明前有韓侂胄後有史彌遠屏斥忠良玩兵致寇嘉定以後金人犯邊無歲

不擾元起北方江南危懼雖有小善不足稱也○慶元六嘉泰四嘉定十七

理宗皇帝

名昀太祖十世孫榮王希瓚之子甯宗崩史彌遠矯詔立之在位四十年壽六十二歲而崩○帝四十年

間在朝君子小人互為消長治亂相半元滅夏滅金威震海內帝以中材之主能保邦沒身幸也然始終崇尚理學

亦賢○寶慶三紹定六端平三嘉熙四淳矣哉○祐十二寶祐六開慶一景定五

度宗皇帝

名禔榮王與芮之子初封忠王理宗無嗣立為太子在位十年壽五十三歲而崩○帝荒於酒色拱手權

好喪師失地殆無虛日賈似道方且粉飾太平天怒人怨以至滅亡

○咸淳

恭宗皇帝

名焜度宗次子在位一年元伯顏入臨安執之北行二年死而南宋遂亡

○德祐

端宗皇帝

名昱度宗長子恭宗之兄在位二年爲元兵所逼年十一歲崩於嶺南之碙洲

○景炎

帝昺

度宗少子端宗之弟陸秀夫立之遷厓山在位一年元張宏範來攻秀夫負帝赴海死而宋亡

○祥興

右南宋九帝共一百五十三年 合兩宋一十八帝共三

百二十年

元紀

世祖文武皇帝

名忽必烈太祖鐵木真第四子拖雷之第四子憲宗蒙哥之同母弟也滅宋襲正統在位共三

十一年壽八十歲而崩○帝繼宋而主中國混一寰區開十傳之統緒自古以來未有也

○至元三十一

成宗皇帝

名鐵木耳世祖之孫太子真金之第三子也在位三年壽四十二歲而崩○帝承混一之後憂國愛民

真守成令主末歲寢疾沉詔訣之詞牽帷輪之制赤子臨危寇氛四起其不遽亡國者蓋去世祖未遠初政猶可觀

爾

○元貞二 大德十一

武宗皇帝

名海山答剌麻八剌之長子成宗姪也初封懷甯王總兵北邊成宗崩諸王立之在位四年壽三十歲而

崩○帝慨然欲創治收法而有爲故其封爵太濫賜賚太泛至元大德之政於是稍有變更云○至大

仁宗皇帝

名愛育黎拔力八達武宗同母弟也武宗舍子而立弟爲皇太子遂嗣位在位九年壽三十六歲而崩○

帝天性恭儉通達儒術不事遊畋不喜征伐不崇貨利事皇太后終身不違顏色待宗戚勲舊始終以禮有司斷大

辟每憐惻移時其孜孜○皇慶二爲治一遵世祖成憲云○延祐七

英宗皇帝

名碩德八剌仁宗嫡子在位三年爲御史大夫鐵失所弒年二十一歲○帝性至孝仁宗不豫焚香告天

泣願身代及嗣位事多明斷然以○至治果於刑戮奸黨畏誅遂搆大變○三

泰定皇帝

名也孫鐵木兒顯宗之長子裕宗之嫡孫初嗣晉王及英宗遇弒以支庶入繼帝統在位四年壽三十六

歲而崩。帝在位災異迭見，然守成法以行天下，無事稱治平焉。○泰定四

明宗皇帝

名和，世疎武宗長子。在位八月，為文宗所弒。○天

文宗皇帝

名圖帖睦爾，武宗次子。明宗之弟，初讓位於兄，尋弒之。在位五年，壽二十九歲而崩。○天歷二

順帝

名妥懽帖睦爾，明宗長子。在位十五年，為明太祖所滅，而元亡矣。○元統三，至元六

右元九帝共八十八年

明紀

太祖高皇帝

姓朱，名元璋，鳳陽人。先世句容人。建都金陵，在位三十一年。○洪

建文皇帝

名允炆，懿文太子之子。太祖孫也。在位四年，靖難兵破京城，帝祝髮，孫去正統五年，迎入西內，以壽終。

○建文

太宗文皇帝

名棣，太祖第四子。初封燕王，舉兵陷京城，建文出亡，遂自立為帝。徙都順天，在位二十二年，壽六十

五歲
而崩 ○ 永樂

仁宗昭皇帝

名高熾文皇長子在位
一年壽四十八歲而崩 ○ 洪熙

宣宗章皇帝

名瞻基仁宗太子在位
十年壽三十七歲而崩 ○ 宣德

英宗睿皇帝

名祁鎮宣宗太子在位十四年北狩景泰元年退
居南宮景泰八年復辟又在位八年壽三十八歲

而崩 ○ 正統十四
天順八

景皇帝

名祁鈺宣宗第二子初封郕王英宗北狩
狩奉皇太后命卽帝位在位七年而崩 ○ 景泰

憲宗純皇帝

名見深英宗太子在位二
十三年壽四十歲而崩 ○ 成化

孝宗敬皇帝

名祐楹憲宗第三子在位
十八年壽三十六歲而崩 ○ 治宏

武宗毅皇帝

名厚照孝宗太子在位十
六年壽三十一歲而崩 ○ 正德

世宗肅皇帝

名厚熹孝宗弟興獻王祐杭之子憲宗孫也武宗
崩無嗣太后與大臣迎立之在位四十五年壽六

十歲
而崩 ○ 嘉靖

穆宗莊皇帝

名載屋世宗第三子初封裕王
在位六年壽三十六歲而崩

○ 隆慶

神宗顯皇帝

名初鈞穆宗太子在位四
十八年壽五十八歲而崩 ○ 萬曆

光宗貞皇帝

名常治神宗太子在位一月
未及改元而崩壽三十九歲 ○ 泰昌

熹宗哲皇帝

名由校光宗長子在位
七年壽二十三歲而崩 ○ 天啟

莊烈愍皇帝

名由檢熹宗弟
在位十七年 ○ 崇禎

右明十六帝共二百七十七年

國都

太昊伏羲氏

母居華胥之渚履巨人跡意動虹且遶身娠而生帝以木德王故風姓都陳在位一百十五載。陳

州今隸

河南

炎帝神農氏

姜媯以火德王故曰炎帝初國伊繼國耆又曰伊耆氏都陳遷曲阜在位四十載。曲阜今隸山東

州兗

黃帝有熊氏

母感電光繞斗而有娠生帝於軒轅之邱因名軒轅姓公孫國于有熊故號有熊氏長于姬水故又

以姬爲姓以土德王故曰黃帝在位一百載。有熊地名今河南新鄭縣

少昊金天氏

名摯姓已黃帝子元囂也母曰嫫祖帝以金德王故號金天氏能修太昊之法故曰少昊都曲阜在

位八十

四載

顓頊高陽氏

姓姬元囂弟以水德王初國高陽故號高陽氏在位七十八載。高陽今直隸開州

帝嚳高辛氏

名姦姓姬少昊孫受封于辛故號高辛氏以木德王都亳在位七十載○亳州今隸河南

帝堯陶唐氏

帝名放勳生母家伊侯之國後徙耆故曰伊耆氏復封于唐又號陶唐氏以火德王都平陽在位九

十八載○平陽府今隸山西蔡傳謂

放勳重華文命皆稱述功德之詞

帝舜有虞氏

黃帝八代孫生於姚墟故姓姚受堯禪以土德王都蒲阪在位六十一載○蒲阪今山西蒲州

大禹

姁姓受舜禪以金德王改載曰歲都安邑在位二十七歲○安邑縣今隸山西

商王成湯

子姓號天乙以水德王改歲曰祀都亳在位十三祀○亳今河南偃師縣

仲丁

太戊子在位十三祀遷都囂今河南河陰縣

盤庚元祀遷都於殷改國號曰殷

行湯之政殷道復興與諸侯來朝○殷今河南衛輝府

武乙

庚丁子在位四祀遷都河北今河南淇縣

武王卽位國號周以建子月爲歲首遷都於鎬

今隸陝西長安縣

懿王

名藉共王子在位二十五年徙都槐里
時王室遂衰○槐里今陝西興平縣

平王元年遷都於東都雒邑

王以豐鎬逼近犬戎乃東遷洛
時周室衰微齊楚秦晉疆大政出

方伯

燕

今直隸順天府

趙

今北直廣平府與秦共祖造父後

韓

今河南南陽府與周同姓武子後厥爲
晉卿八世生康子虎虎孫虔是爲景侯

魏

今河南開封府斯與周同姓畢公高裔

齊

今山東青州府

楚

今湖廣武昌府

秦紀

始皇帝 姓嬴氏非子後都咸陽凡三君
得年四十○咸陽今隸陝西

西漢紀

高皇帝

姓劉氏都長安以火德王凡十三君合王莽
淮陽王得年二百三十○長安今隸陝西

二月漢王卽皇帝位

甲午卽位于汜水之陽朔仍建
亥○汜水在今山東曹州南

帝西都關中以婁敬爲郎中賜姓劉氏

敬齊人戍隴西過洛陽說帝曰陛下都洛陽豈欲與周室
比隆哉洛陽天下之中有德易于王無德易于亡秦地披
山帶河四塞以爲固卒然有急百萬之衆可立具此蓋天
下之亢而拊其背也帝問張良良曰洛陽四面受敵非用
武之國關中左轂函右隴蜀沃野千里阻三面而固守獨
以一面東制諸侯此所謂金城千里天府之國敬說是也
帝卽日車駕西都長安拜敬郎中賜姓劉氏○關山遮蔽
如披渭河環繞如帶四塞四圍蔽塞搯捉持也亢咽喉也
拊擊也財物所聚曰
府天府謂天所造也

癸未

漢帝元更始元年

春二月新市平林諸將共立更始將軍劉元爲

皇帝

漢兵圍宛春陵載侯曾孫元在平林兵中號更始將軍時漢兵已十餘萬欲立劉氏以從人望南陽豪傑皆欲立劉續而新市平林將帥憚續威明倉元懦弱先共定策立之以續爲司徒秀爲太常偏將軍繇是豪傑失望及宛降更始入都之○宛今南陽府

冬十月元北都洛

更始將都洛陽以劉秀行司隸校尉使前修宮秀乃置僚屬作文移從事司察一如舊章時三輔吏士東迎更始見諸將過皆冠幘而服婦人衣莫不笑之及見司隸僚屬皆歡喜不自勝老吏或垂涕曰不圖今日復見漢官威儀是識者皆屬心焉更始遂北都洛○冠弁冕之總名幘巾也古者有冠無幘幘者卑賤執事所服其後貴賤皆服

甲申二年元遷都長安

更始至長安居長樂宮升前殿即吏以次列庭中更始羞
作俯首刮席不敢視○刮摩也言羞忤而俯首至于席上

東漢紀

世祖光武皇帝

姓劉氏諱秀字文叔高祖九世孫都洛陽亦以
火德王凡十二君得年一百九十有六○洛陽

今隸
河南

漢獻帝

三月卓遷都長安燒洛陽宮廟發諸帝陵車駕西遷

秋七月曹操遷帝於許自爲大將軍封武平侯

後漢紀

昭烈皇帝

姓劉氏景帝子中山靖王勝之後都蜀凡
二君得年四十有三○蜀今四川成都府

己酉七年夏四月吳王孫權稱皇帝遷都建業

今江
甯府

晉紀

世祖武皇帝

姓司馬氏魏將懿之後始都河南洛陽縣後遷陝西長安縣凡四君得年五十有二

東晉紀

中宗元皇帝

宣帝曾孫琅邪恭王覲之子都建業凡十一君得年一百零三〇建業今江甯府

魏遷都平城

今山西大同府大同縣

十六僭國

劉淵據離石稱漢

石勒據襄國稱趙

張重華據河西稱涼

苻健據長安稱秦

慕容儁據遼東稱燕

慕容垂據鄴稱後燕

慕容冲據阿房稱西燕

乞伏國仁據枹罕稱西秦

姚萇據長安稱後秦

呂光據姑臧稱涼

慕容德據滑台稱南燕

秃髮烏孤據廉川稱南涼

李元盛據敦煌稱西涼

沮渠蒙遜據張掖稱北涼

赫連勃勃據朔方稱大夏

馮跋據和龍稱北燕

夏竦統萬城

勃勃築都城于朔方黑水之南曰朕方
統一天下君臨萬邦新城賜名統萬

宋紀

高祖武帝

姓劉諱裕都建康凡八君
得年六十○附北朝魏

齊紀

太祖高帝

姓蕭氏諱道成都建康凡七君
得年二十有四○附北朝魏

冬十月魏營洛都

梁紀

高祖武帝

姓蕭氏諱衍齊之疎族都建康
凡四君得年五十有四○附魏

陳紀

高祖武帝

姓陳氏諱霸先漢陳寔後都建康
凡四主得年三十有二○附周齊

隋紀

高祖文皇帝

姓楊氏諱堅漢太尉震八代孫都陝西長安縣凡
四君得年三十八○自東晉分裂後至是混一

唐紀

高祖神堯皇帝

姓李氏諱淵成紀人周唐國公虎後都陝
西長安凡二十一君得年二百八十九

唐元宗

五年以并

兵

州爲太原府

今山西太原府

置北都

九年春正月改蒲州

今山西平陽府蒲州

爲河中府置中都

後梁紀

太祖皇帝

姓朱氏諱溫都大梁
凡二君得年十有七

梁以汴州爲東都開封府

今河南開封府

洛陽

唐東都今河南河南府洛陽縣

爲西都

長安

唐西京今陝西西安府長安縣

爲大安府佑國軍

後唐紀

莊宗皇帝

姓朱邪氏諱存勗晉王克用長子沙陀人
唐賜姓李都大梁凡四君得年十有三

後晉紀

高祖皇帝

姓石氏諱敬瑭本西夷臬振雞之子從晉王李克用
起於雲朔之間都大梁凡二君得年十有一○大梁

今河南開封府

後漢紀

高祖皇帝

姓劉氏諱知遠沙陀部人
都大梁凡二君得年五

後周紀

太祖皇帝

姓郭氏諱威邢州堯山人
都大梁凡三君得年十

宋紀

太祖皇帝

姓趙氏諱匡胤涿郡人太祖至欽宗凡九君都大梁
一百六十七年高宗南渡至帝昺凡九君都臨安一

百五十三年總

三百二十年

宋真宗

以應天府爲南京國初因五代之舊以大梁爲東京開封府洛陽爲西京河南府後以太祖舊藩歸德軍在宋州改宋州爲應天府至是建爲南京作鴻慶宮以奉太祖太宗聖像

宋高宗

帝定都臨安帝自建康至臨安自是始定都矣○

嗚呼高宗至是誠無意於

中原矣苟有志於中原者不都川陝則都荆襄不都建康則都維揚今而定都杭州僻處海角則栢栖然苟安之意

見矣諸葛武侯曰漢賊不兩立王業不偏安高宗甯忍棄祖宗之土地忘父母之仇讎而偷安於一時也耶直書定都不再貶而其義自見

二十三年

金貞元元年

春三月金遷都于燕金主自上京至燕京初

備法駕下詔改元以燕列國之名不當爲京師號遂改燕京爲中都大興府汴京爲南京削上京之名止稱會甯府又改中京大定府爲北京而東京遼陽府西京大同府如舊

宋理宗 蒙古入都于燕劉秉忠請定都于燕蒙古主從之詔營城池及

宮室仍號爲中都

明太祖

詔以汴梁

今河南開封府

爲北京金陵爲南京

九月詔以濠州爲中都上問羣臣建都之地或言關中

今陝西西安府

天府之國或言洛陽

今河南河南府

天地之中汴梁

今河南開封府

亦宋舊京

或言北平宮室完備上以平定之初民未休息供給力役悉資

江南建業

卽金陵

長江天塹

鐵去聲○塹遠城水也

足以立國臨濠

卽濠州前

江後淮以險可恃以水可漕詔以爲中都

明太宗二月詔以北平爲北京

上將建北京宮殿命羣臣會議於是文武羣臣議奏曰北京聖

上龍興之地北枕

去聲

居庸西雌

雉○立也

太行

枕○山各在河南懷慶府城北

東連

山海南俯中原山川形勝足以控四夷制天下誠帝王之都也

比年車駕巡狩四海會同人心協和漕運日廣商賈輻輳財貨

充盈良材巨木已集京師天下軍民樂于趨事伏乞上順天心

十四
下從民望早敕所司興工營建以爲子孫萬世帝王之業天下
幸甚

帝王

夏禹

丙子元歲會諸侯於塗山執玉帛者萬國

以五音聽治

為銘於龔簋曰導以道者擊鼓喻以義者擊鐘告以事者振鐸啟以憂者擊磬有獄訟者搖鞀常曰吾不恐四海之士留於道路恐其留吾門也○龔簋懸樂器者橫曰龔植曰簋

太康

辛亥十九歲畋於洛表羿拒於河遂都陽夏

太康盤遊無度畋於河洛之表十旬弗反有窮后羿距於河而立仲康

少康

壬午四十歲夏遣臣靡與師討寒促伏誅奉王踐天子位王命誅

澆及豷復禹舊績夏道復興

夏

桀能申鉤索鐵負恃其力不務德而武傷百姓尙武勇而有趨傷害百姓

梁者教爲無道勸以貪很伐蒙山國名有施氏有施氏進女媵喜

桀嬖之所言皆聽爲去聲之爲瓊室象廊瑤臺玉牀行淫縱樂爲

肉山脯林酒池可以運舟一鼓而牛飲者三千人以為戲劇

是時田獵也者張網四面合圍以殄天物於是成湯出田命去上聲

網三面曰欲左者左欲右者右惟不用命者乃入吾網漢南諸

侯聞之曰湯仁及禽獸而况於人乎皆歸心焉桀疾其大得諸

侯和也召之囚於重泉夏臺夏獄名已而釋之

商湯

辛丑二十四祀大旱禱於桑林以六事自責湯既放桀大旱七年禱於桑林之野祝曰

無以予一人之不敏傷民之命以六事自責曰政不節與使民疾與宮室崇與女謁盛與苞苴行與讒夫昌與言未

已大雨○史記及東漢書註有剪髮斷爪身為犧牲之說傷父母遺體非聖人所爲謬談不可信

周西伯治岐發政施仁

見孟子

西伯行於野見枯骨命瘞

意也

之

吏曰此無主矣西伯曰有天下者天下之主有一國者一國之

主吾卽其主遂葬之天下聞之曰西伯澤及枯骨况於人乎

紂伐有蘇氏有蘇氏以妲

丹人聲

已女

去聲

焉妲已有寵惟其言是

從所好者貴之所惡者誅之於是使師涓

亦作延

作朝歌

紂都今河南衛

輝府

北鄙之音北里之舞靡靡

米○相順從之意

之樂造鹿臺

在淇縣爲

瓊室玉門臺廣三里高千尺七年乃成厚賦斂以實鹿臺之財

盈鉅橋

倉名在淇縣

之粟益收狗馬奇物充牣

忍去聲○滿也

宮室益廣沙

丘

在直隸順德府平鄉縣

苑臺

南距朝歌北距邯鄲皆爲離宮別邸

大聚樂戲於沙丘以酒

爲池懸肉爲林男女裸相逐其間宮中九市爲長夜之飲諸侯

有叛者姐已以爲罰輕誅薄故威不立乃重爲刑辟爲熨畏斗

以火燒熱使人舉之手爛更爲銅柱以膏塗之加於炭火之上

使有罪者緣之

循柱而過

足滑墜火中與姐已觀之大樂名曰炮

庖

烙

洛

之刑天下顛怨

顛四肢寒掉也

又剖孕婦視其胎斲

拔

朝涉之脛

刑去聲

視其髓

雖上聲○斲斬也紂冬月見早且涉水者謂其足脛耐寒斲而視其髓

西伯聞之竊

歎崇侯虎知之以告紂紂乃囚西伯於羑里

殷獄名

虞芮

瑞

質成于周虞

今山西平陽府平陸縣

芮

今平陽府芮城縣

之君相與爭田

久而不平乃相與朝周入其境耕者讓畔行者讓路入其邑男

女異路班白者不提挈入其朝士讓爲大夫大夫讓爲卿二國

之君感而相謂曰我等小人不可以履君子之庭乃相讓以其

所爭之田爲閑田而退天下闕之而歸者四十餘國

殷紂辛

丁巳十一祀醢九侯鄂侯諫脯之囚西伯於羑里

紂以西伯昌九侯鄂侯爲三公九侯有女入之紂女不喜
淫紂殺之而醢九侯鄂侯爭之並脯鄂侯又剖孕婦視其
胎斲朝涉之脛視其髓西伯聞之竊歎崇侯虎譖西伯欲
叛因囚西伯西伯歎曰父有不慈子不可以不孝君有不
明臣不可以不忠豈有君而可叛乎諸侯聞之以西伯能
敬上而卹下也遂相率歸之○紂材力過人手格猛獸知
足以拒諫言足以飾非視天下皆出己下好酒色始爲象
箸箕子歎曰今爲象箸必爲玉杯玉杯象箸必將食熊蹯
豹胎他及將稱是王
求足欲天下殆哉

周穆王

己巳五十年作呂刑

王駕八駿之乘肆意遠遊財匱民勞無以爲計乃命呂侯
作贖刑之書雖大辟亦與其贖免歛民財以濟荒亡之欲
○入駿驂駟綠耳赤驥白犧渠黃踰輪盜驪山子
一曰絕地翻羽奔霄起景踰輝超光騰霧挾翼

周威烈王

魏文侯

魏斯

以卜子夏田子方爲師每過

戈

段干木之廬必式

式車

前橫木有所敬則俯而憑之

四方賢士多歸之文侯與羣臣飲酒樂

洛

而天

雨命駕將適野左右曰今日飲酒樂天又雨君將安之文侯曰

吾與虞人期獵雖樂豈可無一會期哉乃徃身自罷之文侯使

樂羊伐中山

古狄都今直隸正定府定州

克之以封其子擊他日問於羣臣

我何如主皆曰仁君任座曰君得中山不以封君之弟而以封

君之子何謂仁君文侯怒座趨出次問翟

宅

璜對曰仁君也文

侯曰何以知之對曰君仁則臣直嚮者任座之言直是以知之

文侯悅使璜召座而反之親下堂迎之以爲上客

秦始皇

侯生盧生相與譏議始皇因亡去始皇聞之大怒曰諸生或爲

妖言以亂黔首使御史按問之諸生傳相告引乃自除犯禁者
四百六十餘人皆阬之咸陽長子扶蘇諫曰諸生皆誦法孔子
今以重法繩之臣恐天下不安始皇怒使北監蒙恬軍于上郡
十月始皇東巡少子胡亥丞相李斯從至雲夢望祀虞舜于九
疑山浮江下渡海渚過丹陽至錢塘渡浙江上會稽祭大禹望
于南海立石頌德北至瑯琊之罘西至平原津而病始皇惡言
死羣臣莫敢言死事病益甚乃令中車府令行符璽事趙高爲
書賜扶蘇曰與喪會咸陽而葬未付使者七月始皇崩于沙丘
秘不發喪棺載輜輶車中所至上食奏事如故獨胡亥趙高與
所幸宦者五六人知之初始皇專寵蒙氏恬任外將毅常居中

參謀議名爲忠信趙高者生而隱宮始皇聞其強力通獄法以爲中車府令使教胡亥決獄高嘗有罪使毅治之當死始皇赦之高旣雅得幸于胡亥又怨蒙氏乃與胡亥謀詐以始皇命誅扶蘇而立胡亥爲太子胡亥然之高曰不與丞相謀恐事不成乃見李斯曰上賜長子書及符璽皆在胡亥所定太子在君侯與高之口耳事將何如斯曰安得亡國之言此非人臣所當議也高曰君侯才能智慮功高無怨長子信之孰與蒙恬斯曰皆不及也高曰長子卽位必以恬爲丞相君侯終不懷通侯之印歸鄉里明矣胡亥慈仁篤厚可以爲嗣願君審計而定之斯以爲然乃相與矯詔立胡亥爲太子更爲書賜扶蘇數以不能立

功數上書誹謗怨望而恬不矯正皆賜死扶蘇發書泣欲自殺恬曰陛下使臣將三十萬衆守邊公子爲監此天下重任也今一使者來安知其非詐復請而死未暮也扶蘇曰父賜子死尙安復請卽自殺恬不肯死繫諸陽周

漢高帝

沛公至霸上

霸水之上在西安城東

秦王子嬰素車白馬繫頸以組

祖○印綬

封皇帝璽符節降軹止道

在西安府城東

旁諸將請誅之沛公曰始懷

王遣我固以能寬容且人已降殺之不祥乃以屬

祝

吏沛公入

咸陽還軍霸上除秦苛

何法

特筆也漢之所以得天下也以此故高帝入咸陽則書曰除秦苛法

光武至河北則書曰除秦苛政二漢之興宜哉

十一年詔郡國求遺賢

十二年十一月過魯以太牢祀孔子

自坑焚禍烈吾道幾墜帝以不事詩書之資方破布而歸
適然過魯乃能動念及此至以太牢祀焉帝亦有大過人
者矣漢四百年吾道之重實自此始

漢惠帝四年春正月舉民孝弟力田者復其身

漢文帝詔定振窮養老之令

令八十以上賜米酒肉
九十以上加賜帛絮

夏四月令四方毋來獻

時有獻千里馬帝曰吉行日五十里師
行三十里朕乘千里馬獨先安之不受

夏五月除誹謗妖言法

詔曰法有誹謗妖言之罪是使衆臣不敢盡情而
上無繇聞過失也將何以來遠方之賢良其除之

二年十一月詔舉賢良方正能直言極諫者

癸酉十二年春三月詔民入粟邊得拜爵免罪

鼂錯言曰堯有九年之水湯有七年之旱而國亡捐瘠者以蓄積多而備先具也夫人情一日不再食則餓終歲不製衣則寒故明君貴五穀而賤金玉方今之務莫若使民務農欲民務農在於貴粟貴粟之道在於使民以粟爲賞罰募天下人入粟於邊以受爵免罪不過三歲塞下之粟必多矣帝從之錯爲人峭直刻深以其辯得幸太子號曰智囊

甲戌十三年夏五月除肉刑

齊太倉令淳于意有罪當刑其少女緹縈上書願沒爲官婢以贖父罪帝憐之詔除肉刑帝恭修元默論議務在寬厚刑罰大省有刑措之風

漢武帝
癸卯三年秋九月帝始爲微行遂起上林苑

帝嘗入南山下射獵馳騫禾稼之地民皆號呼罵詈郭杜
令欲執之示以乘輿物乃得免又嘗夜至相谷逆旅主人
疑爲姦盜聚少年欲攻之主人姬賭帝狀貌而異之飲翁
以酒醉而縛之帝始得脫又使吾邱壽王除上林苑屬之
南山東方朔諫拜爲太中大夫給事中然遂起上
林苑帝又好自擊熊豕野獸司馬相如諫帝善之

元光元年冬十一月初令郡國舉孝廉各一人

二年五月詔舉賢良文學親策之

甲寅 二年春正月詔諸侯王得分國邑封子弟爲列侯

主父偃說帝曰今諸侯地方千里緩則驕奢易爲淫亂急
則阻其強而合從以逆京師以法割削之則逆節萌起今
諸侯子弟或十數而適嗣代立餘無尺寸之封願陛下令
諸侯得推恩分子弟以地侯之彼人人喜得所願上以德
施實分其國不削
而稍弱矣帝從之

遂昌尹氏曰武帝繼統之初意嚮甚美未一二載遽失初
意於是奢慾窮黷聚斂神仙之事無所不有卒至海內虛

耗盜賊蜂起帝猶未能自反逮至巫蠱難作骨肉誅夷喋血京師禍變已極然後紆徐痛定始大悔悟如醉而醒夢而覺遂乃罷方士棄輪臺下哀痛之詔陳旣往之失與民休息禁止苛暴回思前日所爲殆若二人何哉蓋帝資素高故勇於改過無牽制委靡之失是以一轉移之頃而事已大異使其以如是之資而勇於願治亦何不可之有綱目於富民之侯搜粟都尉大書於冊雖曰幸之蓋亦深惜之也

漢昭帝

夏四月帝崩大將軍霍光承皇后詔迎昌邑王賀詣長安六月入卽位尊皇后曰皇太后

昌邑王有罪大將軍霍光率羣臣奏太后廢之昌邑王淫戲無度大將軍光憂懣滿以問故吏大司農田延年延年曰將軍爲

國柱石審此人不可何不建白太后更選賢而立之光曰今欲

如是於古嘗有此不否延年曰伊尹相殷廢太甲以安宗廟後

世稱其忠將軍若能行此亦漢之伊尹也光乃引延年給事中

陰與張安世圖計王出遊光祿大夫夏侯

復姓

勝當乘輿前諫曰

天久陰而不雨臣下有謀上者陛下出欲何之王怒縛勝屬

祝

吏光讓

責也

安世以爲泄語安世實不言乃召問勝勝對言在鴻

同洪範傳

去聲○謂之傳者非正經也其傳曰皇之不極厥罰常陰時則下人有伐上者○皇君也中立而爲四方之所

取正者謂之極

光安世大驚以此益重經術士既定議召丞相御史將

軍列侯中二千石大夫博士會議未央宮光曰昌邑王行昏亂

恐危社稷如何羣臣皆驚愕失色莫敢發言延年離

去聲

席按劍

曰先帝屬

祝

將軍以孤幼寄將軍以天下以將軍忠賢能安劉

氏也今羣下鼎沸

費

社稷將傾且漢之傳謚常爲孝者以長有

天下令平聲宗廟血食也如漢家絕祀將軍雖死何面目見先帝

於地下乎今日之議不得旋踵羣臣後應者臣請劍斬之光謝

曰九卿責光是也

漢以太常光祿勳衛尉太僕廷尉大鴻臚宗正司農少府爲九卿

於是議者

皆叩頭曰唯大將軍令光卽與羣臣俱見白太后太后乃幸未

央承明殿盛服坐武帳中召昌邑王伏前聽詔光令王起拜受

詔脫其璽組

祖○組璽綬也

奏上太后扶王下殿送至邸詔歸賀昌邑

賜湯沐邑二千戶國除爲山陽郡

今山東兗州府

漢宣帝

秋七月迎武帝曾孫病已入卽位尊皇太后曰太皇太后○不以

專廢君累光則特書奏太后不以專立君累光則特書承皇后

詔然則曾孫之立不書承太后詔其許光以專立獻上書光率

羣臣奏太后矣不再

初衛太子納史良娣

太子妃有三等曰妃曰良娣曰孺子

生

子進號史皇孫

以外家姓稱之

皇孫納王夫人生子病已

已止也夙遭屯難而多病

苦故名病已欲速瘥也後改名詢

號皇曾孫生數月遭巫蠱事太子男女妻妾

皆遇害獨皇曾孫在亦坐收繫獄故廷尉監丙吉受詔治獄心

知太子無事實重哀皇曾孫無辜擇謹厚女徒胡組郭徵卿令

乳養日再省視望氣者言長安獄中有天子氣武帝詔獄繫者

無輕重一切皆殺之使者夜至獄吉閉門不納曰他人無辜死

者猶不可况親曾孫乎使者不得入還以聞武帝亦悟曰天使

之也因赦天下吉聞史良娣有母貞君及兄恭乃載皇曾孫付

之後有詔掖庭

宮旁舍

養視時掖庭令

職掌後宮貴人采女事

張賀嘗事衛

太子思顧舊恩哀曾孫奉養甚謹欲以女孫妻之賀弟安世爲

右將軍輔政怒曰曾孫乃衛太子後也勿復言子女事時暴

僕

室嗇夫

暴室主宮中婦人疾病者其皇后貴人有罪亦就此

許

廣漢有女賀以家財聘之曾孫因依倚廣漢兄弟及史氏受詩

於東海復

服

中

翁

姓復名中翁

高材好學然亦喜遊俠鬪雞走馬

上下諸陵周徧三輔以是具知閭里姦邪吏治得失及是吉奏

記光曰今社稷宗廟羣生之命在將軍之一舉而武帝曾孫名

病已在掖庭外家者今十八九矣通經術有美材行安而節和

願將軍決定大策七月光會丞相以下議定所立遂上奏曰孝

武皇帝曾孫病已年十八師授詩論語孝經躬行節儉慈仁愛

人可以嗣孝昭皇帝後皇太后詔曰可光迎曾孫入未央宮見

太后即皇帝位侍御史嚴延年劾奏大將軍光擅廢立主無人

臣禮不道奏雖寢然朝廷肅然敬憚之

瓊山丘氏曰嗚呼延年此奏凜凜然如秋霜烈日豈但一時朝廷敬憚之哉千載之下讀之者猶覺其有生氣呂祖謙曰大哉延年之奏自夷

齊之後一人而已信夫

東萊呂氏曰申韓之害流毒後世何其遠也宣帝好觀申子君臣之篇所用多文法吏以刑名繩下綜核名實信賞必罰所以功光祖宗業垂後嗣者蓋屬精之效初非申韓之功也至於用恭顯而啟元帝之信宦者貴許史而啟成帝之任外戚殺趙蓋韓楊而啟哀帝之誅大臣開三大覺終以亡國此豈非擇術不審之流弊乎故論其功則爲中興之君論其罪則亦爲基禍之主其功罪相半蓋失於欲速而用申韓也

漢宗室劉續

衍

及弟秀起兵舂陵興復帝室新市平林兵皆附

之○

續書漢宗室則與崇快又異矣是故書起兵多矣未有書興復帝室者書興復帝室特筆也初長沙

湖

新莽

廣長沙府

定王發

景帝第十子

生春陵

在湖廣永州府甯遠縣

節侯買買生戴侯熊

渠熊渠生考侯仁仁以南方卑濕徙封南陽

今河南南陽府

之白水鄉

在南陽府鄧州仍改春陵

與宗室往家焉仁子敞嗣莽時國除節侯少子外

爲鬱林

今廣西潯州府

太守外生鉅鹿

今直隸順德府

都尉回回生南頓

漢縣故城

在河南開封府項城縣

令欽欽娶湖陽

漢縣故城在南陽府唐縣

樊重女生三男續仲

秀續性剛毅慷慨有大節秀隆準

抽日角

隆高也準鼻也日角謂天庭骨起狀如日

性勤稼穡續常非笑之比於高祖兄仲

仲高祖兄名高祖曰始大人常以臣亡賴不能

治產業不如仲力今某之業孰與仲多

秀嘗過穰

今南陽府鄧州

人蔡少公少公頗學圖

識言劉秀當爲天子或曰是國師公劉秀乎

劉向子歆更名秀時爲莽國師封嘉

新公秀戲曰何由知非僕邪坐者皆大笑宛

今南陽府南陽縣

人李守好

星厯讖記嘗謂其子通曰劉氏當興李氏爲輔及新市平林兵

起南陽騷動通從弟軼謂通曰今四方擾亂漢當復興南陽宗

室獨劉伯升

續字

兄弟汎愛容衆可與謀大事通笑曰吾意也會

秀賣穀於宛通遣軼往迎秀與相約結定謀歸春陵

南陽白水鄉也

舉

兵會續召諸豪傑計議分遣親客於諸縣起兵續自發春陵子

弟子弟恐懼皆亡匿及見秀絳衣大冠皆驚曰謹厚者亦復爲

之乃稍自安凡得子弟七八千人部署賓客自稱柱天都部秀

時年二十八續使族人招說新市平林兵殺湖陽尉進拔棘陽

漢縣故城

在鄧州

李軼鄧晨皆將賓客來會○大司馬秀至河北除莽苛

政復漢官名○

特筆也沛公之入咸陽也書除秦苛法大司馬之至河北也書除莽苛政漢之中興宜哉○

大司馬秀至河北所過郡縣考察官吏黜陟能否平病遣囚徒

平其不平曰平

除王莽苛

何○虐也

政復漢官名吏民喜悅爭持牛酒迎勞

秀皆不受南陽鄧禹杖

持策馬也

追秀及於鄴

今河南彰德府臨彰縣

秀曰

我得專封拜生遠來甯欲仕乎禹曰不願也但願明公威德加

於四海禹得効其尺寸垂功名於竹帛耳秀笑因留宿禹進說

曰今山東未安赤眉青犢

俱賊號

之屬動以萬數更始既是常才

而不自聽斷諸將皆庸人屈

崛

起志在財幣爭用威力朝夕自

快而已非有忠良明智深慮遠圖欲尊主安民者也明公素有

盛德大功爲天下所嚮服軍政齊肅賞罰明信爲今之計莫如

延攬英雄務悅民心立高祖之業救萬民之命以公而慮天下

不足定也秀大悅因令禹常宿止於中與定計議每任使諸將
多訪於禹皆當其才○秀自縊死每獨居輒不御酒肉枕席有
涕泣處主簿馮異獨叩頭寬譬因進說曰更始政亂百姓無依
人久饑渴易爲充飽宜分遣官屬循行上聲郡縣宣布惠澤秀納
之騎都尉耿純謁秀退見官屬將兵法度不與他將同遂自結
納

更始納趙萌女爲夫人故委政於萌日夜飲讌

同宴

後廷以至羣

小膳夫皆濫授官爵長安爲之語曰竈下養

去聲○主烹炊者

中郎將

爛羊胃騎都尉爛羊頭關內侯由是關中離心四海怨叛

永嘉陳氏曰古之人君不恃其或然之數而忽其必然之
理或然之數者天也必然之理者人也漢之高光蓋嘗得

漢光武
帝

乎天矣。睢水之圍，幾入乎項氏之手矣。而以大風脫溲，沱之役，幾填於餓虎之喙矣。而以水合濟，是豈人力也哉？天也。二君於此，不以其幾不免者，自沮亦不以其幸而免者，自賀。方且益聽三傑之謀，而延攬二十八將之族，以伺其隙。而俟其可乘之機，卒之垓下之兵合，而項氏擒，邯鄲之戰交，而王郎虜。是果天耶？人能知高帝五年之業不成，於睢水之脫，而成於垓下之勝。光武之中興，亦不在於溲沱之濟，而在於邯鄲之克。則知人君之有爲於天下者，其可不以人而勝天耶？

六月蕭王卽皇帝位改元大赦

○漢王已平天下，猶未正尊位，必待諸侯力請而後從之。光

武未能削平海內，遂正尊位，何哉？創業之與中興，固自不同。當是時，更始旣已敗亡，四方私竊名號者非一。中外皇皇，莫知所嚮。世祖苟不早正位號，以繫人心，則天下之望孤矣。故書蕭王卽皇帝位，改元大赦者，深幸之也。烏可以高祖爲比，而擬議之哉？

○王還至中山

今直隸正定府定州

諸將請上尊號，不聽到南平棘

漢縣

故城在正定府趙州

復固請之不許。耿純進曰：「天下士大夫捐親戚棄土。」

壤從大王於矢石之間者其計固欲攀龍鱗附鳳翼以成其志

耳今大王留時逆眾不正號位純恐士大夫望絕計窮則有去

歸之思無為久自苦也大眾一散難可復合王深感曰吾將思

之行至鄗

壑○今正定府高邑縣

名馮異問四方動靜異曰更始必敗宗

廟之憂在於大王宜從眾議會儒生彊華自關中奉赤伏符來

詣王曰劉秀發兵捕不道四夷雲集龍鬪野四七之際火為主

讖記之書曰符赤伏其符之名赤火色伏藏也漢火德故云赤

伏四七二十八也自高祖至光武初起合二百二十八又光

武以二十八歲起兵皆為四

七之際漢火德故火為主 羣臣因復奏請乃即位於鄗南

帝崩於南宮前殿年六十三帝每旦視朝日昃乃罷數引公卿
郎將講論經理夜分乃寐皇太子見帝勤勞不怠乘間諫曰陛

漢明帝

下有禹湯之明而失黃老養性之福願願養精神優游自甯帝曰我自樂此不爲疲也

帝性褊察好以耳目隱發爲明公卿大臣數被詆毀近臣尙書

以下至見提底○曳葉○嘗以事怒郎藥崧以杖撞之崧走入

牀下帝怒甚疾言曰郎出崧乃曰天子穆穆諸侯皇皇二句曲禮下篇

之辭穆穆幽深和敬之貌皇皇壯盛顯明之貌未聞人君自起撞郎帝乃赦之

漢靈帝

作列肆於後宮○爲天子而作列肆於後宮是甘爲閭閻猥賤之人矣尙可據皇極而臨大寶乎據事直書

不待貶絕○是歲帝作列肆於後宮使諸采女販賣更相盜竊惡自見矣

爭鬪帝著灼商賈服從之飲宴爲樂

漢獻帝

初涿郡今直隸順天府涿州劉備中山靖王名勝景帝第八子之後也少孤貧與

母以貶履爲業有大志少言語喜怒不形於色嘗與公孫瓚同

師盧植因往依瓚至是瓚使其將田楷徇

行定曰徇

青州有功因

以爲平原

今山東濟南府

相備少與河東

今山西平陽府

關羽涿郡張飛友善

以羽飛爲別部司馬分統部曲備與二人寢則同牀恩若兄弟

而稠人廣坐侍立終日隨備周旋不避艱險常山

今直隸正定府

趙雲

爲郡將兵詣瓚劉備見而奇之深加接納雲遂從備至平原爲

備主騎兵

冬十月魏王曹丕稱皇帝廢帝爲山陽公

遂昌尹氏曰天生烝民立之司牧天下不可以無君也天無二日民無二王天下不可以二君也自唐虞禪繼舜禹承之循其名可以責其實古人豈固假此以欺天下哉成湯放桀惟有慙德武王伐紂義士非之湯武不失爲聖人

商周不失爲正統亦惟求其實耳後世欺孤弱寡篡竊相尋考其實皆異從莽卓之徒而求其名乃欲高出商周之上前史信其僞辭衰世襲其遺蹟一則曰禪位二則曰受禪胡爲自漢而下一何堯舜之多邪今綱目於此直以稱帝廢帝大書於冊至於傳禪之說絕不復舉斯言一出諸史皆廢豈綱目好爲立異哉亦不過求其實而已嗚呼亂臣賊子竊人家國常患於取之無名則必曲爲委折以文之三家分晉田氏併齊借周人之命以自蓋莽賊篡漢欲求其說而不可得乃以周公居攝稱之至操丕始以傳禪爲文自後篡竊相繼皆踵而行之其原始於曹氏之作俑也綱目旣破其說然後好僞之徒始無以爲欺天下後世之具其有補於名教豈不大哉故曰綱目修而亂臣賊子懼

漢昭烈
遣太常邢貞奉策拜權爲吳王加九錫

諸葛亮至永安帝病篤命亮輔太子禪以尙書令李嚴爲副帝謂亮曰君才十倍曹丕必能安國終定大事嗣子可輔輔之如

其不可君可自取亮涕泣曰臣敢不竭股肱之力效忠貞之節
繼之以死帝又詔敕禪曰勿以惡小而爲之勿以善小而不爲
惟賢惟德可以服人汝父德薄不足效也汝與丞相從事事之
如父帝崩亮奉喪還成都以嚴爲中都護留鎮永安禪卽位時
年十七大赦改元封亮爲武鄉侯領益州牧政事咸取決焉

漢後帝

鄧艾至成都帝出降皇子北地王譙忱死之漢亡○書帝出降何不死社

稷也故諶書爵書死之傳僉諸葛瞻父子書官書死之凡國滅書死之亡國之善辭也以爲國雖亡不爲無人焉耳周秦亡不書亡此其書漢亡何所以紹昭烈於高光也獻
帝之廢漢未亡也至此而亡矣特揭書著之 ○漢人不意魏

兵卒猝至不爲城守調去聲度聞艾已入平地帝使羣臣會議或

勸奔吳或勸入南中譙周以爲自古無寄他國爲天子者魏能

并吳不能并魏等爲稱臣爲小孰與爲大再辱何與一辱若

欲奔南當早爲計今大敵已近羣臣無可保者恐發道之日其

變不測乃遣使奉璽綬詣艾降北地王謀

後帝子

怒曰若理窮力

屈禍敗將及便當父子君臣背城一戰同死社稷以見先帝可

也奈何降乎帝不聽謀哭於昭烈之廟

在成都府城南

先殺妻子而後

自殺帝別敕姜維使降艾至成都城北帝率羣臣面縛

縛手於背而面

向前輿共奉櫬視○空棺也輿棺從之也者示其君將受死也

詣軍門降艾收黃皓將

殺之皓賂左右以免維等得救詣會降

遂昌尹氏曰姜維身都將相喪師蹙境黃皓寵冠一時殄

民誤國漢祚顛覆偷生苟免至於死節之臣乃在傅僉諸

葛瞻父子及北地王謀而已是時鄧艾孤軍深入使漢之

君臣能竭力死守未必遽爾滅亡後主庸才既不知國君

死社稷之義譙周諸人又輕以其國予賊其視謀同死社稷之言與大哭於昭烈之廟而死之節曾大矣之不若嗚呼譙雖已死其言至今凜凜尤有生氣帝禪有子如此而不能聽用其言可謂上愧乃父下愧乃子矣傳葛書爵諡書皇子及其子尚皆書死之所以深

褒貶予爲萬世臣子死節者之勸也

漢後帝

魏封故漢帝禪爲安樂公禪舉家遷洛陽大臣無從行者惟秘

書令卻正及殿中督張通捨妻子單身從行正相導適宜舉動

無闕禪乃慨然歎息恨知正之晚魏封禪爲安樂公他日與

預

宴爲

去聲

之作蜀技旁人皆感愴而禪喜笑自若昭謂賈充曰人

之無情乃至於是雖使諸葛亮在不能輔之久全謂妻維邪他

日問禪曰頗思蜀否禪曰此間樂不思蜀也正聞之謂曰若王

復問宜泣而答曰先人墳墓遠在岷

山名

蜀乃心西悲無日不思

因閉其目會昭復問禪對如前昭曰何乃似卻正語邪禪驚視曰誠如尊命左右皆笑之

晉武帝 十二月晉王炎稱皇帝廢魏主爲陳留王

賀善贊曰晉武卽位以來綱目所書徃徃有可觀者然暗於知子納妃賈氏而啟五王之亂蔽於信讒疎斥齊王而失燕翼之謀昧於防患尊寵劉淵而基亂華之禍綱目每深惜而備書之蓋其以位爲樂無深長思是以晉運方新而災異狎至雖能開創帝業身歿而天下大亂宜矣

晉惠帝

帝爲人戇

撞○愚也

○駮滙上聲

嘗在華林園在河南河南府城東北魏明帝建

聞蝦

退 蟆謂左右曰此鳴者爲官乎爲私乎時天下荒饑百姓餓死

帝聞之曰何不食肉糜

糜○煮肉使糜爛也

由是權在羣下政出多門賈

賈后

郭賈后母

恣橫貨賂公行南陽

今河南南陽府

魯褒作錢神論以

譏之

其畧曰錢之爲體有乾坤之象親之如兄字曰孔方無德而尊無勢而熱凡今之人惟錢而已

辛酉永甯元年春正月趙王倫自稱皇帝遷帝於金墉城殺太

孫臧○趙王倫逼奪璽綬備法駕入宮卽位帝出居金墉城尊

爲太上皇廢皇太孫爲濮陽

今山東東昌府濮州

王殺之以孫秀爲侍中

中書監其餘黨與皆爲卿將奴卒亦加爵位每朝會貂蟬

侍中中常

侍官也以貂尾爲飾附蟬爲文貂取其內勁悍而

外溫潤蟬居高清潔飲露而不食故以爲冠飾 盈坐時人爲

去聲之諺曰貂不足狗尾續府庫之儲不足以供賜與應侯者多

鑄印不給或以白版封之

夏四月成都王穎擊敗倫兵帥師濟河左衛將軍王輿等迎帝

復位倫伏誅

光熙元年十一月帝中毒崩太弟熾卽位尊皇后曰惠皇后立
妃梁氏爲皇后

遂昌尹氏曰晉惠庸愚人皆知之晉武溺於所愛不能於
子弟中擇賢而立遂使禍亂交作四海分崩綱目於惠帝
之事初無貶詞然今年書弒太后明年書殺太子又明年
書遷帝於金墉書廢皇后太子至於又奉帝討張方也越
奉帝征穎也張方遷帝長安也祈宏奉帝東還也莫不悉
書於冊於此見晉惠之爲君動輒制於他人之手如嬰兒
玩弄於股掌之上欲東而東欲西而西莫適爲主特一木
偶人而已是以始焉不保母后次焉不保妻子終焉不保
其身是皆庸愚之故也夫以漢質帝之幼冲食餅中毒尙
能急召大臣了了言之故綱目得以正梁冀之誅今晉惠
歷年許久乃莫能一言故雖或者以爲越之所鳩然綱目
不明其故直以中毒書之蓋欲使後人知其庸繆雖其身
之大禍且莫能知所以戒
有國者置嗣不可不謹也

晉懷帝

五月漢人入寇六月陷洛陽殺太子詮遷帝於平陽封平阿公

漢主劉聰使呼延宴將兵二萬七千寇洛陽比及河南晉兵前

後十二敗劉曜王彌石勒皆引兵會之彌晏克宣陽門入宮大

掠帝欲奔長安

今陝西西安府長安縣

漢兵追執之曜自西明門入殺太

子詮等遷帝於平陽漢以帝爲左光祿大夫封平阿公以待中

庾珉

民

王雋

俊

爲光祿大夫

晉愍帝

建興元年

漢嘉平三年

春二月漢主劉聰弒帝於平陽庾珉王雋死

之○

珉雋始以悲憤見惡於聰繼有告其應劉琨者於是殺之而帝亦遇害則二臣之死先於帝矣綱目曷爲先書弒先

書弒所以著二臣之死爲帝而死也大書死之其爲死節之勸深矣

○正月朔漢主聰宴羣臣於

光極殿使帝著

灼

青衣行酒庾珉王雋等不勝悲憤因號哭聰

惡之二月有告珉等謀以平陽應劉琨者聰遂殺珉雋等帝亦

遇害謚曰孝懷

劉曜攻陷長安外城麴允索綝退守小城內外斷絕城中飢甚帝泣謂允曰今窮厄如此外無救援當忍恥出降以活士民因歎曰誤我事者麴索二公也使侍中宗敞昌上聲送降牋於曜綝

潛留敞使其子說曜曰若許綝以車騎儀同萬戶郡公者請以城降曜斬而送之曰帝王之師以義行也孤將兵十五年未嘗

以詭計敗人必窮兵極勢然後取之今綝所言如此天下之惡

一也輒相爲戮之帝乘羊車肉袒但出降羣臣號泣攀車帝亦

悲不自勝升御史中丞吉朗歎曰吾智不能謀勇不能死何忍

君臣相隨北面事賊虜乎乃自殺曜送帝於平陽漢主聰臨光

極殿帝稽敢首於前允伏地慟哭聰怒囚之允自殺聰以帝爲

光祿大夫封懷安侯斬紉於市

晉元帝漢主劉聰出畋以帝行車騎將軍戎服執戟前導見者指之曰

此故長安天子也故老有泣者十二月聰饗羣臣使帝行酒洗爵已而又使執蓋晉臣涕泣有失聲者尙書郎辛賓起抱帝大哭聰斬之帝遂遇害諡曰孝愍

太興元年漢主劉曜光初元年春三月王卽皇帝位○書卽皇帝位何正統也終綱目書卽

皇帝位四漢書高祖光武昭烈晉則元帝舍是無書卽皇帝位者矣時愍帝凶問至建康王斬紉

居廬喪大記父母之喪居倚廬廬在中門外東壁倚木爲之故云倚廬百官請上尊號不許紀

瞻曰晉氏統絕於今二年兩都燔蕩宗廟無主劉聰竊號於西

北而陛下高讓於東南此所謂揖讓而救火也王猶不許使殿

中將軍韓續撤去御座瞻叱續曰帝座上應列星敢動者斬王

爲去聲之改容奉朝請周嵩上疏曰古之王者義全而後取讓成

而後得是以享世長久今梓宮未返舊京未清宜開延嘉謀訓

卒厲兵先雪大恥副四海之心則神器將安適哉由是忤旨出

爲新安今江南徽州府太守嵩顛之弟也王遂卽皇帝位百官皆陪列

命王導升御牀共坐導固辭曰若太陽下同萬物蒼生何由仰

照乃止

遂昌尹氏曰繼統與創業不同今周嵩所言與費詩同首

固不爲無見然特未知紹續之意耳綱目於光武昭烈元

帝未混一之時所以皆書卽皇帝位而無嫌者正以幸其

繫人心續正統副四海依歸之望慰祖宗在天之靈固不

得與他妾自
尊大者比也

晉明帝

秋閏七月帝崩司徒王導中書令庾亮尚書令卞壺

惔

受遺詔

輔政太子衍卽位尊皇后爲皇太后太后臨朝稱制

葬武平

陵

在江甯府
上元縣

賀贊善曰明帝卽位三年綱目所書自王敦外不過立后
太子及大臣除卒數事耳獨能奮發剛斷躬殄大憝可謂
明也已矣故自綱目以來未
有書親征者於是特書予之

晉成帝

二月諸軍討逸斬之及西陽王羨○諸軍攻石頭建威長史滕

含大破其兵獲蘇逸韓晃斬之含部將曹據抱帝奔溫嶠船羣

臣見帝頓首號泣請罪殺西陽王羨陶侃與任讓有舊爲

去請

其死帝曰是殺吾侍中右衛者不可赦也乃殺之司徒王導入

石頭令取故節侃笑曰蘇武節似不如是導有慙色

遂昌尹氏曰蒙非反者何以於斬逸之下而書及哉程頤子序春秋謂經爲斷傳爲案今綱目所書蒙事如此以分註考之當峻入臺城之時蒙詣峻稱述功德峻復以蒙爲太宰西陽王則是蒙俯首媚賊受其僞命其罪已不可勝誅矣故其書法如此此以綱目爲斷分註爲案也

帝不豫二子丕奔皆在襁姜上聲祿庾冰恐易世之後親屬愈疏

爲人所閒諫請以母弟琅邪今山東青州府王岳爲嗣帝許之中書令

何充曰父子相傳先王舊典且今將如孺子何冰不聽帝乃詔

冰充及武陵今湖廣常德府王晞會稽今浙江紹興府王昱欲尙書令諸葛恢

並受顧命而崩琅邪王卽位亮陰庵不言委政於冰充是爲康

帝

晉簡文

帝不豫急召大司馬桓溫入輔溫辭不至詔立皇子昌明爲皇

太子生十年矣遺詔溫依周公居攝故事又曰少子可輔者輔

之如不可君自取之侍中王坦之持詔入於帝前毀之帝乃使

改詔曰家國事一稟大司馬如諸葛武侯

諸葛亮

王丞相

王導故事

是日帝崩羣臣曰當須大司馬處分王彪之正色曰天子崩太

子代立大司馬何容得異朝議乃定太子卽位是爲孝武帝

晉孝帝

秋九月貴人張氏弒帝於清暑殿太子德宗卽位會稽王道子

進位太傅是爲安帝

太子幼而不慧口不能言至於寒暑飢飽亦不能辨飲食寢興

皆非已出母弟琅邪王德文常侍左右爲之節適

晉安帝

三月帝至建康除拜琅邪王德文武陵王遵以劉裕都督十六

州軍事出鎮京口

今江南鎮江府

晉恭帝

宋王劉裕欲受禪而難於發言乃集朝臣宴飲從容言曰桓元

篡位鼎命已移我倡義興復平定四海功成業著遂荷九錫今

年將衰暮崇極如此物忌盛滿非可久安今欲奉還爵位歸老

京師羣臣莫喻其意日晚坐散中書令傅亮乃悟叩扉

非○請戶扇

見曰臣暫宜還都裕解

械

其意無復他言亮出見長星竟天拊

髀彼○股骨也

歎曰我常不信天文今始驗矣亮至建康

晉都今江

南江甯府

四月徵裕入輔裕留子義康鎮壽陽以參軍劉湛

暫

爲長

史決府事湛自幼年卽有宰物之志常自比管葛

管仲諸葛亮

博涉

書史不爲文章不喜談議裕甚重之六月裕至建康亮具詔

詔

草使帝書之帝欣然操筆謂左右曰桓元之時晉氏已無天下

重爲劉公所延將二十載今日之事本所甘心遂書赤紙爲詔

遜於琅邪第百官拜辭祕書監徐廣流涕哀慟裕爲壇於南郊

卽位廣又悲感流涕侍中謝晦謂之曰徐公得無小過廣曰君

爲宋朝佐命身是晉室遺老悲歡之事固不可同宋主臨太極

殿大赦改元奉晉恭帝爲零陵

今湖廣
永州府

王卽宮於故秣陵縣

故
城

在江甯府
城東南使將軍劉遵考將兵防衛

南北朝
宋高陽王

宋高祖疾甚召太子義符誠之曰檀道濟雖有幹畧而無遠志

難御之氣也徐羨之傅亮當無異圖謝晦數劾征伐頗識機變

若有同異必此人也又爲手詔曰後世若有幼主朝事一委宰

相母后不煩臨朝羨之亮晦道濟同被顧命遂殂義符卽位年

十七立妃司馬氏爲皇后

晉恭帝女

七月葬初甯陵

在江甯府城東北蔣山內

宋孝武

宋大明八年魏和平五年

夏閏五月宋主駿殂太子子業立宋主殂於玉燭

殿太子卽位年十六蔡興宗奉璽綬太子受之傲惰無戚容興宗出告人曰家國之禍其在此乎是爲廢帝

宋明帝

夏四月宋主或殂太子昱立宋主病篤以桂陽王休範爲司空

褚淵爲護軍將軍劉劭

免

爲右僕射與尙書令袁粲荊州刺史

蔡興宗郢州

今湖廣武昌府

刺史沈攸之並受顧命淵素與蕭道成善

薦之詔以爲右衛將軍共掌機事宋主遂殂太子昱卽位生十

年矣聚等秉政承奢侈之後務宏節儉欲救其弊而阮佃夫等

用事貨賂公行不能禁也

齊高帝

齊建元四年春三月齊主道成殂太子隲立高帝沉深有大量

博學能文性清儉主衣中

集覽按漢武帝本紀帝起更衣衛子夫侍尚衣軒中得幸註尚主也主衣

車中也此云主衣中或卽此

有玉導

導笄屬以玉爲之

上曰留此正長病源

長奢侈之源也

卽命擊碎仍簡拔有何異物皆隨此例每曰使我治天下十年當使黃金與土同價

齊武帝

齊主隲殂太孫昭業立以竟陵王子良爲太傅蕭鸞爲尚書令

世祖留心政事務總大體嚴明有斷郡縣久於其職長吏犯法

封及行誅故永明之世百姓豐樂盜賊屏

丙

息然頗好遊宴華

靡之事常言恨之未能頓遣

齊明帝

齊主鸞殂太子寶卷立齊主初有疾甚秘之至是殂太子寶卷

卽位惡靈在太極殿欲速葬尙書令徐孝嗣固爭詩得踰月每

當哭輒云喉痛大中大夫羊闡入臨去聲○無髮俯仰憤詩○

巾曰脫寶卷輟哭大笑謂左右曰禿鸞啼來乎詩小雅有鸞在

今闡入臨而

頭禿故云

齊東昏侯

十二月齊人弒涪陵王寶卷王珍國蕭衍入建康以太后令追

廢寶卷爲東昏今直隸大名侯自爲大司馬承制衍入屯閱武

堂下令大赦凡昏制謬賦淫刑濫役悉皆除盪同潘妃有國色

衍欲留之以問領軍王茂茂曰亡齊者此物留之恐貽外議乃

并茹法珍等誅之

梁武帝

梁天監八年春正月梁主遣使求成於魏魏主不肯初魏主遣

魏永平二年

去聲

中書舍人董紹慰勞

叛城白早生囚之送建康

梁都今江南江甯府

呂僧珍與之言愛其文義言於梁主梁主遣謂紹曰今聽卿還令

平聲卿通兩家之好

去聲

彼此息民豈不善哉因召見慰勞之且曰

戰爭多年民物塗炭吾是以不恥先言卿宜備申此意夫立君以爲民也凡在民上豈可不思此乎紹還魏言之魏主不從

夏五月梁主衍祖太子綱立梁主爲侯景所制所求多不遂志

飲膳亦爲所裁節憂憤成疾口苦索蜜不得再曰荷荷

去聲○憤怒聲

遂殂年八十六太子卽位立宣城王大器爲太子

魏恭帝

三月魏免梁俘乎數千口魏宇文泰得庾季才梁散騎郎暉天

梁之前言于梁主曰臣恐厚遇之令參掌太史季才散私財購

建子之月有大兵入江陵以財去年十二月魏殺梁主釋盡俘王公以親舊之爲奴婢者下及選百姓男女數萬口爲奴婢分賞

三泰問其故對曰僕聞克國禮賢古之道也今郢都卽江覆沒

其君信有罪矣搢紳何咎皆爲卑隸鄙人寄旅也不敢獻言

誠竊哀之故私購之耳泰乃悟曰吾之過也微君遂失天下之

望因出令免梁俘四數千口

李淵自爲大丞相封唐王以建成爲唐王世子世民爲秦公元

吉爲齊公嗚呼唐室之興廢幾乎正矣乃狃於見聞之故而

蹈昔人竊篡之故智實有欲得之心而又立幼君以輔之自爲大丞相加殊禮然後取焉曷不於起兵之初傳檄天下聲隋廣弒逆之罪數其淫虐之惡播告四方與

隋恭帝

平民問罪之師豈不各正而言順理直而氣壯哉則其得國也雖不能如湯武之正然亦庶幾矣惜乎一時君臣不明大義此其創業所以不及漢高也歟然其得國比之於他則固優矣綱目詳而書之其義自見

唐高祖

五月唐王淵稱皇帝

○漢唐皆以兵取天下者也漢高祖書卽

皇帝位此其書稱皇帝何唐之兵不以討賊名也故綱目書自爲大丞相封唐王書自加殊禮書自爲相國加九錫書稱皇帝與魏晉以下無異矣隋

恭帝禪位於唐唐王卽皇帝位推五運爲土德色尙黃

唐太宗

上嘗謂褚遂良曰卿知起居注所書可得觀乎對曰史官書人

君言動備紀善惡庶幾人君不敢爲非未聞自取而觀之也上

曰朕有不善卿亦記之邪對曰臣職當載筆不敢不記黃門侍

郎劉洎

忌

曰借使遂良不記天下亦皆記之矣

唐高宗

秋八月帝稱天皇后稱天后

唐睿宗

八月帝傳位于太子太子卽位尊帝爲太上皇○太平公主使

術者言於上曰彗所以除舊布新又帝座

紫微天帝之座

及心前星

心

明堂大星天王前後星子屬

皆有變皇太子當爲天子
上曰傳德避災吾志

決矣公主及其黨皆以爲不可太子聞之固辭上曰汝爲孝子何必待柩前然後卽位邪太子流涕而出制傳位於太子太子又上表辭太平公主勸上自總大政上乃謂太子曰汝以天下事重欲朕兼理之邪朕雖傳位豈忘家國其軍國大事當兼省之元宗卽位尊睿宗爲太上皇上皇自稱曰朕命曰誥五日一受朝於太極殿皇帝自稱曰予命曰制敕曰受朝於武德殿三品以上除授及大刑政乃奏上皇決之大赦改元

唐元宗

帝出奔蜀

○代宗幸陝德宗幸奉天皆書如此其書出奔何罪無備也凡播越之辭三如緩辭也奔急辭也走賤

辭也○元宗卽位以來奢欲固未免而善政可紀者亦多自開元末年書立賑饑法而後殆無一善可書所書者非惑鬼神則務聚斂也寵邊將也其所誅賞非爲李林甫則楊國忠也貴妃也欲無大亂得乎哥舒翰麾下來告急

上始懼召宰相謀之楊國忠首唱幸蜀

今四川成都府

之策上然之以

崔光遠爲西京留守旣夕命龍武大將軍陳元禮整比

邊○六齊也

軍黎明

黎明也天將明而猶黑也

上獨與貴妃姊妹皇子妃主皇孫及親近

宦官宮人出延秋門妃主皇孫之在外者皆委之而去上至咸

陽

今西安府咸陽縣

望賢宮日向中上猶未食民獻糲

糲米

飯雜以麥豆

皇孫輩爭以手掬

也

食之須臾而盡

唐肅宗

十二月上皇還西京上皇至鳳翔命悉以兵甲輸郡庫上發精

騎三千奉迎

致堂胡氏曰父子天性也大利所在嫌疑生焉上皇不以甲兵自隨其慮深矣肅宗之迎之也當盛威儀備禾物何必發精騎邪既啟其端於是有露刃而劫遷者與慶之不獲安其居辟穀之不得考其死漸生於是矣

唐穆宗幸中和殿擊毬自是數朔遊晏擊毬奏樂賞賜宦官樂人不可

悉紀

唐武宗六年春三月立光王忱爲皇太叔帝崩太叔卽位○終綱目書皇太叔一

而已矣○稱太叔如此嗚呼太弟已非况太叔乎初憲宗納李錡妾鄭氏生光王怡幼

時宮中皆以爲不慧太和文宗年號以後益自韜匿及上疾篤諸宦

官密於禁中定策下詔以皇子冲幼立怡爲皇太叔更名忱令

權旬構當軍國政事太叔見現百官哀戚滿容裁決庶務咸當

於理人始知有隱德焉上崩以李德裕攝冢宰宣宗即位德裕奉册既罷上謂左右曰適近我者非太尉邪每顧我使我毛髮

灑浙

五代
梁太祖

梁王朱全忠更名晃

忱

稱皇帝奉唐帝為濟陰王張文蔚等至

大梁梁王更名晃即皇帝位文蔚等升殿讀册寶已降帥百官

舞蹈稱賀梁王與之宴舉酒勞

去聲

之曰此皆諸公推戴之力也

文蔚等皆慚伏不能對獨蘇循薛貽矩盛稱功德宜應天順人

梁王復與宗戚飲博官中其兄全昱

欲

謂曰朱三汝本碭山一

民也從黃巢為盜天子用汝為四鎮節度使富貴極矣奈何一

旦滅唐家三百年社稷他日得無滅吾族乎梁主不擇而罷奉

唐帝爲濟陰

今山東兗州府曹州

王遷於曹州使甲士守之

五代
唐莊宗

夏四月晉王李存勖稱皇帝于魏州國號唐○

綱目於晉多于
辭此其書稱皇

帝如梁何惜之也綱目予晉以其不忘唐也主辭之未滅而遽自立綱目惜之書曰國號唐所以殊朱邪於李氏也不書則疑於漢昭烈

唐明宗

唐主嗣源立○

書郭從謙弒其主然後書嗣源入洛陽書魏王繼岌自殺然後書嗣源立皆順辭也綱目於嗣

源多
怨辭

有司議卽位禮李紹真孔循以爲唐運已盡宜自建國號

監國問左右何謂國號對曰先帝賜姓於唐爲唐復讎故稱唐

今梁朝之人不欲殿下稱唐耳監國曰吾年十三事獻祖

李國昌

獻祖以吾宗屬視吾猶子又事武皇

李克用

先帝垂五十年經綸

攻戰未嘗不預武皇之基業則吾之基業也先帝之天下則吾

之天下也安有同家而異國乎李琪曰若改國號則先帝遂爲
路人梓宮安所托乎不惟殿下不忘三世舊君吾曹爲人臣者
能自安乎前代以旁支入繼多矣宜用嗣子柩前卽位之禮眾
從之監國服斬衰於柩前卽位百官縞素旣而御袞冕受冊百
官吉服稱賀

唐廢帝

冬十一月契丹立石敬瑭爲晉皇帝○敬瑭割幽

今直隸
順天府薊計

今順天
府薊州

等十六州以賂之契丹主謂石敬瑭曰吾三千里來赴

難必有成功觀汝器貌識量真中原之主也吾欲立汝爲天子
敬瑭辭讓數四將吏復勸進乃許之契丹主作策書命敬瑭爲
大晉皇帝築壇卽位割十六州

幽薊燕雲
瀋檀順新
媯儒武寧
應寰朔蔚

以與契丹

仍許歲輸帛三十萬匹制改長興七年爲天福元年以趙瑩爲翰林學士承旨桑維翰爲翰林學士權知樞密使事劉知遠爲侍衛馬軍都指揮使客將景延廣爲步軍都指揮使立晉國長公主爲皇后

致堂胡氏曰敬瑭之罪在不助閔帝苟以閔帝失國則當尊奉許王不爲衛州之事而歸奪國弑君之惡於從珂兵以義舉名實皆正則其德美矣乃急於近利稱臣契丹割棄土壤以父事之其利不能以再世其害乃及于無窮故以功利謀國而不本於禮義未有不旋中其禍者也

唐主從珂自焚死晉主入洛陽○唐主議復向河陽將校皆已飛狀迎晉主唐主與曹太后劉皇后雍王重美及宋審虔等攜傳國寶登元武樓自焚是日晚晉主入洛陽

晉高祖

吳徐知誥建齊國

前年知誥封齊王

于金陵徐知誥始建太廟社稷改

金陵爲江甯府

今江南省治

以宋齊丘徐玠爲左右丞相周宗周延

玉爲內樞使

南唐烈祖

秋七月吳徐知誥稱帝國號唐奉吳主爲讓皇吳主

楊溥

下詔禪

位於齊齊王誥卽位於金陵國號唐遣丞相徐玠奉冊詣吳主

稱受禪老臣誥謹拜稽

敬

首上尊號立玉后宋氏爲皇后以景

通爲吳王更名璟

唐主徐知誥復姓李氏更名昇

漢主劉龔更名龔漢主龔

劉隱弟

寢疾有胡僧謂龔名不利龔乃

自造龔字名之義取飛龍在天

易乾卦九五飛龍在天

讀若儼

晉出帝

晉主石敬瑭殂兄子齊王重貴立初劉知遠遣親將郭威以詔

旨招納吐谷渾

西羌種名

酋長白承福契丹遣使來讓

責也

晉主憂懼

成疾一旦馮道獨對晉主命幼子重睿

胃

出拜之又令宦者抱

置道懷中蓋欲道輔立之六月晉主殂道與侍衛馬步都虞侯景延廣議以國家多難宜立長君乃奉齊王重貴爲嗣是日卽位延廣始用事禁人偶語初高祖疾亟有旨召劉知遠入輔政晉主重貴寢之知遠由是怨晉主

漢高祖

劉知遠入大梁諸鎮多降始改國號曰漢知遠發洛陽樞密院

使魏仁浦自契丹逃歸郭威問以兵數及故事仁浦強記精敏威由是親任之知遠至大梁晉之藩鎮相繼來降復以汴州

卽大

梁 爲東京改國號曰漢仍稱天福年曰余未忍亡晉也

漢主暲殂杜重威伏誅周王承祐立○漢主大漸召蘇逢吉楊

邠史宏肇郭威入受顧命曰承祐幼弱後事託在卿輩又曰善

防重威是日殂逢吉等祕不發喪下詔稱重威父子因朕小疾

謗議搖眾皆斬之磔

窄○裂也

尸於市市人爭啖

淡

其肉二月立皇

子承祐爲周王有頃發喪周王卽位時年十八是爲隱帝

周太祖 春正月郭威稱皇帝國號周

宋太祖 春正月周殿前都點檢宋太祖稱皇帝國號宋廢周主宗訓爲

鄭王周侍衛副都指揮使韓通死之○太祖涿州

今直隸順天府涿州人

四世祖眺

挑

唐幽都

今順天府宛平縣

令生珽

挺

唐御史中丞珽生敬

涿州刺史敬生宏殷周檢校司徒岳州今湖廣岳州府防禦使宏殷娶

杜氏生太祖於洛陽

今河南河南府洛陽縣

夾馬營赤光繞室異香經宿

不散及長容貌雄偉器度豁如識者知其非常人仕周補東西

班行首累官殿前都指揮使掌軍政凡六年數

朔

從世宗征伐

薦

同荐。屢也。

立大功人望歸之世宗嘗於文書囊中得木長三尺

餘題云點檢作天子時張承德爲殿前都點檢乃命太祖代之

及宗訓立加檢校太尉領歸德節度使時主少國疑中外皆有

推戴之意顯德六年冬十一月鎮

今直隸正定府

定府定州

二州言北

漢

劉鈞都山西太原府

會契丹兵入寇正月辛丑朔遣太祖率兵禦之殿

前副都點檢慕容延釗

昭

將前軍先發都下謹

歡。諱也。

言將以出

軍之日册點檢爲天子士民恐怖爭爲逃匿之計惟內廷晏然

不知癸卯大軍繼出軍校苗訓號知天文見日下復有一日黑

光摩盪蕩者久之指示太祖親吏楚昭輔曰此天命也是夕次

陳橋驛在河南開封府城北四十里將士相聚謀曰主上幼弱我輩出死力

破敵誰則知之不如先册點檢爲天子然後北征未晚也都押

衙季處耘具以事白太祖弟供奉官都知匡義及歸德掌書記

趙普匡義普部分都將環列待旦遣牙隊兗軍使郭延贇賓馳

騎入京報殿前都指揮使石守信都虞侯王審琦二人皆素歸

心太祖者甲辰黎明將士逼太祖寢所匡義普入帳中白之太

祖時被酒卧欠伸氣乏則欠體疲則伸徐起將校已露刃列庭曰諸將無

主願冊太尉爲皇帝太祖未及對黃袍已加身矣眾卽羅拜呼

萬歲掖

挾持也

之上馬還汴

汴州卽開封府周都也

太祖攬轡曰汝等貪富

貴能從我命則可不然我不能爲若

汝也

主矣皆下馬曰願受命

太祖曰太后主上我北面事者不得驚犯公卿皆我比肩不得

侵陵朝市府庫不得侵掠用命有重賞違不汝貰

射○赦也

也皆應

曰諾遂肅隊而行乙巳入汴先遣楚昭輔慰安家人又遣客省

使潘美見執政諭意時早朝未罷聞變范質執王溥手曰倉卒

猝

遣將吾輩之罪也侍衛親軍副都指揮使韓通自禁中遑

急也

遽而歸謀帥眾禦之軍校王彥昇逐焉通馳入其第未及闔門

爲彥昇所害妻子俱死太祖進登明德門命甲士歸營而自退

居公署將士擁范質等至太祖見之流涕曰吾受世宗厚恩爲
六軍所迫一旦至此慚負天地將若之何質等未及對列校羅
彥環挺劍厲聲曰我軍無主今日必得天子質等相顧不知所
爲溥降階先拜質不得已亦拜遂請太祖詣崇元殿行禪代禮

召百官至晡

補平聲
○申時

時班定猶未有禪詔翰林承旨陶穀出諸

袖中遂用之宣徽使引太祖就庭北面拜受已乃掖升殿服袞

冕卽皇帝位奉周主爲鄭王符太后爲周太后遷之西宮大赦

改元以所領歸德軍在宋州

今河南
歸德府

國因號宋定國運以火德

王色尙赤臘用戊華山隱士陳搏聞宋主代周曰天下自此定

矣未幾鎮州報北漢兵引還

劉鋹在國時多置醜毒臣下一日從宋主幸講武池從官未集
鋹先至賜以卮酒鋹疑有毒泣曰臣承祖父基業違拒朝廷勞
王師致討罪固當誅陛下既待臣以不死願爲大梁布衣觀太
平之盛未敢飲此酒宋主笑曰朕推赤心於人腹中安有此事
命取鋹酒自飲而別酌以賜鋹鋹大慙謝

帝幸晉王光義第帝友愛光義數^朔幸其第恩禮甚厚光義嘗
有疾親爲灼艾光義覺痛帝亦取艾自灸^九每對近臣言光義
龍行虎步他日必爲太平天子福德非吾所及也

宋太宗

冬十月帝崩晉王光義卽位○癸丑帝崩甲寅晉王卽位號宋

后爲開寶皇后遷之西宮

李燾云上不豫夜召晉王屬以後事
左右皆不得聞但遙見燭影下晉王

時或離席若有遜避之狀既而上引柱斧戳地大聲謂晉王曰
好爲之已而帝崩顧命大事也實錄正史皆不能記惜哉○戳
音濁築也李燾之說出自湘山野錄帝享年五十性孝友節儉質任自然不事矯

飾一日罷朝坐便殿不樂者久之左右請其故曰爾謂天子容

易爲邪早作乘快誤決一事故不樂耳宮中葦簾緣視○用青

布常服之衣澣緩濯至再永康公主常衣去聲貼繡錦翠襦如帝

曰汝服此眾必相倣禁之主一日勸帝以黃金飾肩輿帝曰我

以四海之富宮殿飾以金銀力亦可辦但念我爲天下守財耳

豈可妄用初頗好獵一日逐兔馬蹶墜地因引佩刀刺咸馬殺

之既而悔曰吾爲天下生輕專田獵又何罪馬哉自是不復獵

尤注意刑辟闕嘗讀二典書堯典舜典歎曰堯舜之罪四凶止從投

竄何近代法網之密邪故定爲折杖注以遞減流徒杖管之刑

自開寶以來犯大辟非情理深害者多得貸死惟賊吏棄市則

未嘗賞

射○赦也

宋哲宗

元符元年春正月得秦璽于咸陽○咸陽縣

今陝西西安府咸陽縣秦都也

民

段義於劉銀村修舍得古玉印其文曰受命于天既壽永昌上之詔蔡京等辨驗京以爲秦璽遂命曰天授傳國受命寶帝御

大慶殿受寶行朝賀禮詔賜義絹二百匹授右班殿直

雲間張氏曰傳國璽者秦之前以金銀爲方寸璽秦得和氏璧乃以玉爲之在六璽之外李氏篆其文曰受命于天既壽永昌號曰傳國璽漢高定三秦子嬰獻之王莽篡逆就元后取之莽敗王憲得之李松入長安斬憲取璽送上更始更始以奉赤眉赤眉立劉盆子盆子奉上光武後董卓作亂掌璽者投諸井中孫堅入洛討卓見井中有五色

光堅凌井得璽袁術僭逆乃拘堅妻奪之術死爲徐璆所得以上獻帝然而漢以傳魏魏以傳晉後劉曜入洛陽劫懷帝取璽曜又爲石勒所得冉閔滅勒得璽閔敗璽存於閔大將軍蔣幹其後謝尙得之於幹以晉穆帝永和八年還建康晉元興三年又爲桓元僭逆而得元敗劉裕得之齊蕭道成篡宋復得璽蕭衍篡齊爲梁又得之其後盜竊璽而歸之於齊又其後陳得之於梁隋得之於陳而秦王世民又得之於竇建德妻曹氏厥後唐昭宣帝四年遣使奉冊寶如朱梁則是溫得之矣又云晉得傳國寶者乃唐僖宗廣明元年黃巢入長安魏州僧得傳國寶以爲常玉將鬻之或識其爲傳國寶乃詣行臺獻之後梁主又爲盜竊之以迎唐而石晉滅唐唐主從珂攜傳國寶登元武樓自焚死嗚呼璽至此蓋已亡矣由是後之得國者各自爲之故晉作受命寶其文曰受天明命惟德永昌周又更作二寶今綱目大書元符元年春正月得秦璽于咸陽者何哉所以深著蔡京愚惑哲宗之罪也噫秦璽之文如此宜其享國長久何至二世而亡假令其璽之真亦智者之所不貴况其僞者乎故綱目不惟月之而又地之者譏其愚也善乎王孫滿對楚子曰在德不在鼎臣亦曰在德不在璽後之得國者蓋亦知所以貴者云

宋徽宗

八月新樂及九鼎成九月帝受賀于大慶殿○九鼎成奉安于
九成宮以蔡京爲定鼎禮儀使帝幸宮行酌獻禮鼎各一殿中
央曰帝鼎北曰寶鼎東曰牡鼎東北曰蒼鼎東南曰岡鼎南曰
彤同鼎西南曰阜鼎西曰晶杏鼎西北曰魁鼎時制新樂亦成
賜名大晟盛置大晟府建官屬九月帝受賀于大慶殿

帝之幸九成宮也酌獻至北方寶鼎鼎忽破水流溢於外或者
以爲北方致亂之兆

二年春正月朔受八寶于大慶殿赦○先是有以玉印六寸龜
紐獻者文曰承天福延萬億永無極詔名鎮國寶至是又得良
玉工帝命作六寶以合秦制天子六璽蔡邕獨斷曰璽凡九各有文刻皆以玉爲之

虎紐一曰傳國璽一曰神璽以鎮國中藏而不用一曰受命璽以封禪禮神其所謂六璽者皇帝行璽以報王公書皇帝之璽以勞王公皇帝信璽以召王公天子行璽以報四夷書天子之璽以勞四夷天子信璽以召兵四夷之數日皇帝帝之寶皇帝信寶天子行與受命受命鎮國通曰八寶嗚呼寶天子之寶天子信寶寶無道之國古今以敗亡爲戒者莫不以之爲首稱苟秦制之合理何爲二世而亡然則徽宗之作是寶無非蔡京固寵之謀也觀夫得秦璽于咸陽義自見矣

五年春正月女真完顏阿古達稱帝國號金○阿古達既屢勝遼其弟烏齊邁率將佐勸其稱帝阿古達遂於正月朔卽皇帝位且曰遼以賓鐵爲號取其堅也賓鐵雖堅終亦變壞惟金不變不壞金之色白完顏色尙白況所居按出虎水之上於是國號大金改元收國更名旻以烏齊邁爲諱庵班貝勒撤改斜也

爲固倫貝勒其國語謂金爲愛新謂尊大爲譜班謂國爲固倫

斜也亦阿古達弟撒改烏古廼乃之孫也

宋欽宗五月康王卽皇帝位于南京大赦改元○

漢高已平天下猶未正尊位必待諸侯力

請而後從之高宗未能削平海內遽正尊位何哉創業之與中興固自不同當是時二帝旣已北狩四方盜賊竊發者非一中外皇皇莫知所向高宗苟不早正位號以繫人心則天下之望孤矣故書康王卽皇帝位大赦改元者深幸之也烏可以漢高爲比而擬議之哉其與光武昭烈晉元書法同

宋高宗金主烏齊邁廢上皇爲昏德公靖康帝爲重昏侯徙之韓州○

金主命二帝赴上京

今盛京奉天府開元縣

以素服見金太祖廟遂見金

主於乾元殿金封太上皇帝爲昏德公淵聖皇帝爲重昏侯未

幾徙之韓州

去燕京一千五百餘里

命晉康郡王孝騫等九百餘人至韓

州同處惟秦檜不與徙依達蘭以居達蘭亦厚待之

金人歸徽宗皇帝顯肅皇后鄭氏及懿節皇后邢氏之喪

喪至帝易

總服奉安龍德別宮

皇太后章氏至自金

后至臨安入居慈甯宮

金人立曹國公烏祿爲帝於遼陽更名雍金東京留守烏祿許王額里多之子太祖之孫也性仁孝沉靜明達眾心歸之會故吏六金自汴還具言金主弑母等事且曰將遣使害宗室兄弟矣烏祿懼謀於其舅興元少尹李石石勸烏祿先殺副留守高存福烏祿遂御宣政殿卽位改元大定下詔暴

僕

揚亮罪惡數

十事

宋孝宗帝作敬天圖帝謂輔臣曰無逸

周書篇名

一篇享國長久皆本於寅

畏朕近日取尚書所載敬天事編爲兩圖朝夕觀覽以自警省
名曰敬天圖虞允文對云惟陛下盡躬行之實敬畏不已必有
明效大驗帝深然之太上皇崩遺詔太上皇后改稱皇太后帝
致喪三年太上皇崩帝號慟辟踊踰二日不進膳謂王淮等曰
晉孝武魏孝文實行三年喪服何妨聽政司馬光通鑑所載甚
詳淮對曰晉武雖有此意後來在宮中止用深衣質布色白練冠帝
曰當時羣臣不能將順其美光所以譏之自我作古何害於是
詔曰大行太上皇帝奄棄至養朕當衰服三年羣臣自遵易月
之令百官五上表請帝還內帝不許

宋光宗 太皇太后詔嘉王擴成服卽位尊帝爲太上皇帝皇后爲太上

皇后○留正既去人心益搖會帝臨朝忽仆於地趙汝愚憂危

不知所出內禪之議益決屬視工部尚書趙彥逾結殿帥郭杲

稿而與左選郎官葉適左司郎中徐誼謀可以白內禪意於太

皇太后者乃遣知閣蛤門事韓侂託胄侂胄琦五世孫太后女

弟之子也侂胄因所善內侍張宗尹以奏太后不獲命逡巡將

退內侍關禮見而問之侂胄具述汝愚意禮令少俟入見太后

而泣太后問故且云侂胄安在禮曰臣已留其俟命太后曰事

順則可令諭好爲之禮報侂胄侂胄復命日已向夕汝愚始以

其事語去聲陳騫余端禮亟命郭杲等夜以兵分衛南北內時將

禪祭除服祭也翌日甲子羣臣入嘉王亦入汝愚率百官詣梓宮前

太后垂簾汝愚率同列再拜奏皇帝疾未能執喪臣等乞立皇子嘉王爲太子以係人心皇帝批出有念欲退閒之旨取太皇太后處分太后曰既有御筆相公當奉行汝愚袖出所擬太后指揮以進云皇帝以疾至今未能執喪曾有御筆欲自退閒皇子嘉王擴可卽皇帝位尊皇帝爲太上皇帝皇后爲太上皇后太后覽畢曰甚善乃命汝愚以旨諭皇子卽位皇子固辭曰恐負不孝名汝愚奏天子當以安社稷定國家爲孝今中外人人憂亂萬一變生置太上於何地眾扶皇子入素幄披黃袍方却立未坐汝愚率同列再拜皇子詣几遙奠哭盡哀遂衰服出就重華殿東廡素幄立內侍扶掖乃坐百官起居訖行禪祭禮尋

詔卽以寢殿爲泰安宮以奉上皇民心悅釋中外晏然汝愚之力也是爲甯宗

雲間張氏曰嗚呼逆悖父疾不問安父崩不成服惟婦言是用動輒稱疾旣云有疾何與虐后招搖玉津乎跡其所爲大逆不道且五霸之君尚以誅不孝爲盟當時金人若與問罪之師則宋人蕞爾之國其能保有乎汝愚貴戚之卿也此舉得矣反覆之而不聽則易位汝愚有焉

宋恭宗

進封吉王

是

爲益王判福州信王昺爲廣王判泉州初召文

天祥知臨安府天祥辭不拜請以福王秀王判臨安係民望身爲少尹以死衛宗廟又乞命吉王信王鎮閩廣以圖興復俱不許至是宗親復請太后從之以駙馬都尉楊鎮及楊淑妃弟亮節俞充容弟如珪提舉二王府事

宋端宗夏五月朔益王卽位于福州遙上帝尊號尊度宗淑妃楊氏爲

皇太妃同聽政改元景炎遙上帝尊號爲孝恭懿聖皇帝升福州爲福安府以大都督府爲垂拱殿便廳爲延和殿王剛中知福安府是日有大聲出府中眾皆驚仆

宋帝昺

夏四月帝崩衛王卽位帝崩年十一羣臣多欲散去陸秀夫曰

度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可爲國邪乃與眾共立衛王年八歲矣方登壇禮畢御輦連上所向有龍拏

茹空而上旣入宮雲陰不見改元祥興升朔洲爲翔龍縣上帝

廟號曰端宗太妃仍同聽政陳宜中入占城行都日候其還朝

宜中竟不至時世傑秉政而秀夫裨悲助之外籌軍旅內調去聲

工役凡有述作盡出其手雖匆遽流離中猶日書大學章句以

勸講

雲間張氏曰或曰秀夫當顛沛流離之中日書大學章句以勸講何其廷耶曰不然道也者不可須臾離也故聖人曰朝聞道夕死可矣忠臣愛君惟求一箇是而已且興亡何代無之秀夫豈以是而遂失其道哉

元順帝帝製龍舟於內苑帝自製船式長一百二十尺廣二十丈用水

手二十四人皆衣金紫自後宮至前宮山下海子內往來遊戲

行時龍首眼口爪尾皆動又自製宮漏高六七尺廣半之造木

爲匱藏壺其中運水上下匱上設三聖殿匱腰立玉女捧時刻

壽時至輒浮水而上左右二金甲神一懸懸鐘一懸鈺征鈺夜

鈺也

則神人自能按更耕而擊無分毫差鳴鐘鉦時獅鳳在側者皆

自翔舞匱之東西有日月宮飛仙六人立宮前遇子午時自能
耦進度仙橋達三聖殿復退立如前其精巧絕出人意皆前所
未有帝既息於政治惟事遊宴以宮女十六人按舞名十六天
魔又十一人奏龍笛頭管小鼓箏篋琵琶笙胡琴響板拍板每
宮中讚佛則按舞奏樂宦官非受祕密戒者不得與

先是太祖遣使徃慶元今浙江甯波府招諭方國珍國珍與其下謀曰

方今元運將終豪傑並起惟江左號令嚴明所向莫敵今又東
下婺州恐不能與抗況與我爲敵者西有張士誠南有陳友定
莫若姑示順從藉爲聲援以觀其變遂遣使奉書幣以溫今浙江溫

州台今浙江台州府

慶元三郡來獻且以次子闕爲質

至

太祖曰古者

慮人不從則爲盟誓盟誓變而爲交質皆由未能相信故也今既誠信來歸便當推誠相與如青天白日何自懷疑而以質子爲哉乃厚賜關而遣之國珍既又以金玉飾鞍馬轡來獻太祖曰吾方有事四方所需者文武材能所用者穀粟布帛其他寶玩非所好也悉却之○

帝王之興識見自爾超卓異常觀我太祖之待國珍則知漢之高光有所不及

矣嗚呼休哉

明太祖

明太祖高皇帝洪武元年春正月吳王卽皇帝位定有天下之

號曰明建元洪武追尊四代祖考妣皆爲帝后○元順帝至正

十二年閏三月明太祖朱元璋起兵濠州

今江南鳳陽府

太祖之先故

沛今江南徐州沛縣

人徙江東句容

今江南江甯府句容縣

爲朱家巷宋季大父

再徙淮

淮水在鳳陽府

家泗州

屬鳳陽府

父世珍又徙鍾離

今鳳陽府臨淮縣

太平

鄉母陳氏生四子太祖其季也太祖生於元天曆

文宗年號

戊辰之

九月丁丑其夕赤光燭天里中人競呼朱家火及至無有三日

洗兒父出汲有紅羅浮出遂取衣之故所居名紅羅障少時常

苦病父欲度爲僧歲甲申泗大疫父母兄及幼弟俱死貧不能

殮藁葬之仲與太祖昇

預○對舉也

至山麓

鹿○山足也

縷梗○

絕仲還

取縷留太祖守之忽雷雨大作太祖避村寺中比曉往視土墳

上聲○

起成高壟地故屬鄉人劉繼祖繼祖異之歸焉尋仲又

折裂也死太祖年十七九月入皇覺寺爲僧逾月僧乏食太祖乃遊江

淮崎

溪

嶮三載仍遣皇覺寺時汝

今河南汝南府 穎

今江南鳳陽府 穎州

兵起

劉福

通芝麻李徐壽輝

趙均用彭早住等

騷動濠州定遠

今鳳陽府定遠縣

人郭子興據濠州

元將徹里不花憚不敢進日掠良民邀賞太祖詣伽藍卜問避

亂不吉卽守故又不吉因祝曰豈欲予倡義邪大吉意遂決以

閏三月朔入濠州見子興子興奇其狀貌與語大悅之取爲親

兵凡有攻伐命之往輒勝子興故撫宿州

屬鳳陽府

馬公女爲已女

送妻

去聲

焉卽高后也

李文忠遣人送元買的里八刺等及其寶冊至京師省臣楊憲

等請以買的里八刺獻俘於廟寶冊令百官具朝服進上曰寶

冊貯之庫不必進也古者雖有獻俘之禮武王伐殷曾用之乎

憲對曰武王事殆不可知唐太宗嘗行之上曰太宗是待王世

充

隋末以王世充爲太尉世充尋自稱帝弑隋主侗後降唐秦王世民秦王至長安俘世充獻於太廟

若遇隋之

子孫恐不行此禮元人入主中國百年之內生齒甚繁家給人足朕之祖先亦預享其太平雖古有獻俘之禮不忍加之乃賜買的里八剌第宅於龍山封爲崇禮侯

冬十月遣崇禮侯買的里八剌北還臨行上諭之曰爾本元君子孫國亡就俘曩卽欲遣歸以爾年幼道里遼遠恐不能達今旣長成朕不忍令爾久客於此故特遣還見爾父母以全骨肉之愛

大內火帝遜國去時朝廷文武俱迎降燕○帝聞金川門失守

明建文
帝

欲自殺翰林院編修程濟曰不如出亡少監王鉞跪進曰昔高

帝升遐

猶言登遐離騷作登霞曲禮莊子俱作登假並與遐同猶曰適遠云爾

時有遺篋

怯

曰臨

大難當發謹收藏奉先殿之左羣臣齊言急出之俄而昇

封舉

也

一紅篋至四圍俱固以鐵二鎖亦灌鐵帝見而大慟急命舉

火焚大內皇后馬氏赴火死程濟碎篋得度牒三張一名應文

一名應能一名應賢袈裟

僧衣

帽鞋剃刀俱備白金十錠朱書篋

內應文從鬼門出餘從水關御溝而行薄

博也

暮會於神樂觀

貫之西房帝曰數也程濟卽爲帝祝髮

斷截其髮曰祝

吳王教授楊應

能願祝髮隨亡監察御史葉希賢毅然曰臣名賢應賢無疑亦

祝髮各易衣披牒在殿凡五六十人俱矢隨亡帝曰多人不能

無生得失宜各從便九人從帝至鬼門而一舟艤岸爲神樂觀

道士王昇見帝叩頭稱萬歲曰臣固知陛下之來也疇昔

檀弓疇昔

之夜注疇發語辭昔之夜昨夜也

高皇帝見夢令臣至此耳乃乘舟至太平門

昇導至觀已薄暮矣俄而楊應能葉希賢等十三人同至共二

十二人

廖平金焦趙天泰程亨王良蔡運梁曰玉葉希賢程濟梁良玉梁中節宋和郭節馮淮牛景先玉資楊應能劉

仲鄭洽王之臣周恕史彬

帝曰今後但以師弟稱不必拘主臣禮也約定左

右不離者三人給運衣食者六人餘俱遙爲應援黎明取道溧

陽

今江甯府溧陽縣

去

明宣宗

秋七月帝微行夜至少傅楊士奇家○時上頗好微行

私出也

夜

半從四騎至士奇家比出迎上已入門立庭中士奇俯伏地下

言陛下奈何以宗廟社稷之身自輕上笑曰思見卿一言故來耳遂屏_丙左右語既竟士奇叩頭曰車駕今夕俯臨外間必有知者伏乞自此慎出事變不測當慮也駕還宮明日遣太監范宏問車駕臨幸曷不謝對曰至尊夜出愚臣迫今中心惴慄未已豈敢言謝又數日遣宏問堯不微行乎對曰陛下恩澤豈能徧洽幽隱萬一有怨夫寃卒窺視竊發誠不可無慮後旬餘錦衣衛獲二盜嘗殺人捕急遂私約候駕至玉泉寺挾弓矢伏道旁林叢中作亂捕盜校尉變服如盜入盜羣盜不疑以謀告遂爲所獲上歎曰士奇愛我遣宏賜金綺

明英宗

伯顏帖木兒妻令侍女迎上皇駕尋值聖節也先上壽上皇北

至小黃河蘇武廟○伯顏帖木兒妻阿撻刺阿哈刺令侍女設帳迎駕宰羊盪杯進膳尋值聖節也先上壽進蟒衣貂裘筵宴哈銘袁彬常宿御寢傍天寒甚每夜上皇令彬以兩脇溫足一日晨起謂銘曰汝夜手壓我胸我俟汝醒乃下手因言光武與子陵共卧事銘頓首上皇夜出帳房仰觀天象指示二人曰天意有在我終當歸也上皇使哈銘致意伯顏妻令勸伯顏送還朝妻曰我婦人何能爲然官人洗濯我侍巾帨稅亦當進一言銘時時設喻慰上皇勿憂或成疾

明景帝

八月上皇還京師帝送上皇居南宮○楊善等至也先營也先見善等甚喜善因請上皇還京歷述累朝恩遇之厚不可忘反

覆辨論數千百言也先問上皇還更臨御否善言天位已定不
得再易也先問古堯舜事如何善言堯讓位於舜今日兄讓位
於弟也先悅服平章昂克問善欲迎復來何操善言若操賄來
迎後人以爾貪賄歸上皇今無所操而歸書之史冊後世皆稱
述也先然其言伯顏帖木兒請留使臣遣使欲南朝更請上皇
臨御也先曰曩令遣大臣來迎大臣至矣不可無信乃引善見
上皇明日也先設宴餞上皇於其營善侍也先與妻妾以次起
爲壽也先令善坐上皇曰從太師言坐善曰雖草野不敢失君
臣禮也先顧羨曰中國有禮罷酒送上皇出明日宴使臣又明
日伯顏帖木兒設宴餞上皇又明日亦宴使臣又明日上皇駕

行也先率眾頭目羅拜而別伯顏送至野狐嶺慟哭良久始別去仍命其部將率五百騎護送至京既入塞禮部議迎復儀注未定上皇先遣使詔諭避位免羣臣迎丙戌百官迎上皇於安定門上皇自東安門入上迎拜上皇答拜各述授受意遜讓良久乃送上皇至南宮羣臣就見而退大赦天下

明英宗

英宗皇帝天順元年春正月武清侯石亨副都御史徐有貞等迎上皇復位○先是景帝不豫以儲位未定中外憂懼兵部尚書于謙日與廷臣疏請立東宮蓋謂復憲宗也中外籍籍謂大學士王文與大監王誠謀白太后迎取襄王

名瞻堪
宣宗弟

世子都御

史蕭維楨同百官問安於左順門外太監興安自內出口若皆

朝廷大臣不能爲社稷計徒問安邪維楨集御史議曰今日與安之言若皆達其意否眾曰皇儲一立無他慮矣眾謂上皇子

宜復立惟王文意他有所屬

祝

陳循知文意獨不言李賢以問

學士蕭鎡

咨

鎡曰旣退不可再文遂對眾言曰今只請立東宮

安知朝廷之意在誰維楨因舉筆曰我更一字乃更早建元良爲早擇疏進時石亨知景帝疾必不起念請復立東宮不如請太上皇復位可得功賞遂與都督張軌太監曹吉祥以南城復辟謀叩太常卿許彬彬曰此社稷功也彬老矣無能爲矣盡圖之徐元玉元玉徐有貞字也亨軌遂往來有貞家有貞亦時時詣亨人莫知也是月十四日夜會有貞宅有貞曰如公所謀南

城亦知之乎亨軌曰一曰前已密達之有貞曰俟審得報乃可
亨軌去至十六日既暮復會有貞曰得報矣計將安出有貞乃
升屋覽步乾象亟下曰事在今夕不可失遂相與密語會有邊
吏報警有貞曰宜乘此以備非常爲名納兵入大內誰不可者
亨軌然之計定倉皇出有貞焚香祝天與家人訣曰事成社稷
之利不成門戶之禍歸人不歸鬼矣遂與亨軌往會吉祥及王
驥揚善戶部侍郎陳汝言收諸門鑰夜四鼓開長安門納兵千
人宿衛士驚愕不知所爲時天色晦冥亨惶惑叩有貞曰事當
濟否有貞大言曰時至矣勿退率眾薄博南宮毀垣壞怪門
而入亨軌等入見上皇燭下獨出呼亨軌曰爾等何爲眾俯伏

合聲請陛下登位遂共掖上皇登輿以行忽天色明霽星月皓
然上皇顧問有貞等爲誰各自陳官職姓名入大內門者呵止
之上皇曰吾太上皇也門者不敢禦遂升奉天殿登御坐鳴鍾
鼓啟諸門是日百官入候景帝視朝有貞號於眾曰上皇復辟
矣趣促入賀百官震駭乃就班賀景帝聞鍾鼓聲大驚問知爲

上皇連聲曰好好明日上皇臨朝詔改景泰八年爲天順元年

明武宗

甯夏

今陝西甯夏衛

塞有警上議北征自稱威武大將軍太師鎮國公

朱壽巡邊以江彬爲威武副將軍扈行令內閣草敕大學士楊

廷和梁儲蔣冕毛紀上疏力諫不聽上御左順門召梁儲面趨

促

令草制儲對曰他可將順

孝經將順其美注將行也君有美善則順而行之

此制斷

不可草上大怒挺劍起曰不草制齒此劍儲免冠伏地泣諫曰
臣逆命有罪願就死草制則以臣名君臣死不敢奉命良久上
擲劍去乃自稱之不復草制彬亦罷副將軍命七月帝北巡先
是上既還京輒思宣府樂稱曰家裏至是復歷宣府至大同大
同巡撫都御史胡瓚乞回鑾不聽

明神宗

戊午四十六年春正月我

大清太祖高皇帝天命元年

明光宗

九月帝崩乙亥朔五鼓內宣急召諸臣趨進而龍馭以卯刻上

賓矣中外籍籍以李可灼誤下劫劑恐有情弊而方從哲擬旨
賞可灼銀五十兩御史王安舜首爭之疏言先帝之脈雄壯浮

大宜清而不宜助矣紅鉛乃婦人經水陰中之陽純火之精也而以投於虛火爆熱之癥幾何不速之逝乎輕亦當治以庸醫殺人之條乃蒙殿下頒以賞格臣謂不過借此一舉塞外廷之議論也夫輕用藥之罪固大而輕薦庸醫之罪亦不小疏入乃改票罰俸一年而議者蠡起矣御史鄭宗周疏請寸斬崔文昇以謝九廟於是御史郭如楚主事呂維祺交章論崔文昇李可灼給事中楊漣語尚書周嘉謀李如華曰宗社事大李選侍非可託少主者急宜請見嗣主呼萬歲以定危疑隨擁出宮移住慈慶爲是二臣然之以語方從哲漣遂先諸臣排闥入闈豎汝

挺亂下漣厲聲曰皇帝召我等至此今晏駕嗣主幼小汝等且

門不容入臨去聲。○意欲何爲闔者却諸臣乃入哭臨畢請見

皇長子皇長子爲選侍阻於煖閣不得出青宮舊侍王安紿臺

聲。○選侍抱持以出諸臣卽叩頭呼萬歲遂共請詣文華殿王

安擁之行閣臣劉一燝掖左勲臣張維賢掖右內侍李進忠傳

選侍命召還皇長子者三喝諸臣曰汝輩挾之何往漣叱之共

擁皇長子登輿至文華殿羣臣請卽日登極不允諭初六日卽

位復擁入慈慶宮一燝奏曰今乾清宮未淨殿下請暫居此丙

子尙書周嘉謀等合疏請選侍移宮御史左光斗上言內廷之

有乾清宮猶外廷之有皇極殿也惟皇上御天居之惟皇后配

天得共居之其餘嬪妃雖以次進御遇有大故卽當移置別殿

十一
卷一
帝王

非但避嫌亦以別尊卑也今大行皇帝賓天選侍既非嫡母又非生母儼然居正宮而殿下乃居慈慶不得守几筵行大禮名分倒置臣竊惑之且殿下春秋十六齡矣內輔以忠直老成外輔以公孤卿貳何慮乏人尙須乳哺步而襁姜上聲負之哉卽貴

妃之請許於先皇彌留之際其意可知且行於先皇則俯錫之名猶可行於殿下則尊聞之稱有斷斷不可者倘及今不早斷借撫養之名行專制之實武氏之禍將見於今戊寅選侍用李進忠謀邀皇長子同宮楊漣遇進忠於宮門問選侍移宮何日進忠搖手曰孛娘娘怒甚今母子一宮正欲究左御史武氏之說漣叱曰誤矣幸遇我皇長子今非昨比選侍移宮異日封號

自在且皇長子年長矣若屬得無懼乎進忠默然去己卯選侍
尙無移宮意楊漣上言殿下登極已在明日矣豈有天子偏處
東宮之禮先帝聖明同符堯舜徒以鄭貴妃保護爲名病體之
所以沉錮醫藥之所以亂投人言籍籍至今抱痛安得不爲寒
心此移宮一事臣言之在今日殿下行之亦必在今日疏上漣
復往趨方從哲從哲曰待初九十二亦未晚漣曰天子無復返
東宮理選侍今不移亦未有移之日此不可頃刻緩者內侍曰
獨不念先帝舊寵乎漣怒曰國家事大豈容姑息且汝輩何敢
如是聲徹大內皇長子使人諭漣出命收諸侍李進忠劉用等
選侍移居仁壽殿

明莊烈帝

帝下詔罪己詔曰朕嗣守鴻緒十有七年深念上帝陟降之威

祖宗付託之重宵旦兢惕罔敢怠荒乃者災害頻仍流氛日熾

赦之益驕撫而輒叛甚至有受其煽惑頓忘敵愾慨○慨恨怒也左傳文公

四年諸侯敵王所愾而獻其功者朕爲民父母不得而卵翼之民爲朕赤子不

得而懷保之坐令平聲秦豫丘虛江楚腥穢罪非朕躬誰任其責

所以使民罹離○遭也鋒鏑蹈水火殲僅○餓量平聲以罄骸積成邱

者皆朕之過也使民輸芻輓粟居送行齎加賦多無藝之征藝

也預徵有稱貸之苦又朕之過也使民室如懸磬田卒汙萊田廢

生草曰萊望烟火而無門號豪冷風而絕命者又朕之過也使民日

月告凶旱潦薦至師旅所處殘厲爲殃上千天地之和下叢室

家之怨者又朕之過也至於任大臣而不法用小臣而不廉言
官首鼠而議不清武將驕懦而功不奏皆由朕撫馭失道誠感
未孚中夜以思跼蹐無地朕自今痛加創艾深省風愆要在惜
人才以培元氣守舊制以息煩囂行不忍之政以收人心蠲額
外之科以養民力至於罪廢諸臣有公忠正直廉潔幹才尙堪
用者不拘文武吏兵二部確核推用草澤豪傑之士有恢復一
郡一邑者分官世襲功等開疆卽陷沒脅從之流能舍逆反正
率眾來歸許赦罪立功能擒斬闖獻仍予通侯之賞於戲忠君
愛國人有同心雪恥除凶誰無公憤尙懷祖宗之厚澤助成底
定之大功思克厥愆愆告朕意詔下賊前鋒已至大安驛